

摘藻堂四庫全書薈要

史部

欽定四庫全書薈要

史部

國語卷十三至
五

詳校官員外郎臣楊世綸



欽定四庫全書會要卷八千四百五十一

史部

國語卷十三

吳韋昭注

晉語七

既殺厲公欒武子使知武子覘恭子如周迎悼公

武子欒書

也知武子荀營也覘恭子士魴也
食邑於毘悼公周子也時年十四庚午大夫逆于清原

清原晉境公言於諸大夫曰孤始願不及此也及至孤之及此

天也引天以自重抑人之有元君將稟命焉元善也稟受也若稟而

棄之是焚穀也

穀所仰以生也

其稟不材是穀不成也

不材不可用也

不成謂批也

穀之不成孤之咎也成而焚之二三子之虐也

孤欲長處其願出令將不敢不成

批不敢為批政也

二三子為令

之不從故求元君而訪焉

訪謀也為民不從大夫之命故求善君而謀之

孤之

不元廢也其誰怨

廢以不善見廢

元而以虐奉之二三子之制

也

制專制也若欲奉元以濟大義將在今日若欲暴虐以離

百姓反易民常亦在今日

反易民常下不事上也

圖之進退願由

今日

悼公承篡殺之後嫌臣下不從故以此約厲焉

大夫對曰君鎮撫羣臣而

大庇蔭之無乃不堪君訓而陷於大戮以煩刑吏

刑刑官司

寇也史大史掌書法也

辱君之允令

允信也

敢不承業乃盟而入

奉承

也業事也

辛巳朝于武宮

武宮武公廟

定百事立百官

議定百事而立其官

使主之謂改其舊時之非者

育門子選賢良

門子大夫適子周禮曰其正室皆謂之門子育

長也長育其材選用賢良也

興舊族出滯賞

舊族舊臣之子孫滯賞謂有功於先君未賞者

謂呂相畢故刑赦囚繫

故刑若今被刑居作者畢之不復作也囚繫者赦之傳曰宥罪

也

宥間罪薦積德

間罪刑罰之疑者宥赦也薦進也積德之士進用之

逮鰥寡

逮及也惠及之也

振廢淹

振起也淹久也謂本賢人

養老幼

養有

常恤孤疾

無父曰孤疾癢疾也

年過七十者公親見之

謂賢知事者

稱

曰王父王父不敢不承

稱曰王父尊而親之所以盡其心也故王父不敢不承命

二

月乙酉公即位

先館於外至此乃就宮朝也傳曰館於伯子同氏是也

使呂宣子

佐下軍

宣子呂錡之子呂相也

曰邲之役呂錡佐知莊子於上軍

上當為下字之誤也呂錡厨武子也知莊子荀首也時為下軍大夫事在魯宣十二年唐尚書云荀首時將上

軍誤矣獲楚公子穀臣與連尹襄老以免子羽

連尹楚官名子羽知

莊子之子螢之字也邲之戰楚人囚知螢莊子以其族反之厨武子御莊子射襄老獲之遂載其尸射公子穀

臣囚之以二者歸魯成三年晉人歸楚穀臣與鄢之役襄老之尸以求知螢楚人許之故曰以免子羽

親躄楚王而敗楚師

魯成公十六年晉楚戰于鄢陵呂錡射楚恭王中目楚師敗楚養由

基射呂錡中項而死

以定晉國而無後

無後子孫無在顯位者

其子孫不可

不崇也

崇高也

使彘恭子將新軍曰武子之季文子之母

弟也

季少子也武子士會文子士變也母弟同母弟也

武子宣法以定晉國至

於今是用

宣明也法執秩之法

文子勤身以定諸侯至於今是賴

定諸侯謂為軍帥能使諸侯事晉也賴蒙也

夫二子之德其可忘乎故以彘

季屏其宗

屏藩也

使令狐文子佐之

文子魏犢之孫魏顓之子魏頡也令狐邑

名曰昔克潞之役秦來圖敗晉功魏顓以其身卻退秦

師于輔氏親止杜回其勲銘于景鍾

克勝也魯宣十五年六月癸卯晉荀

林父將滅赤翟路氏七月秦桓公伐晉次于輔氏欲敗晉功壬午晉景公治兵以畧翟土及潞魏顆敗秦師于

輔氏獲杜回輔氏晉地杜回秦力士也勲功也景鍾景公之鍾至于今不育其子不可

不與也育遂君知士貞子之帥志博聞而宣惠於教也

使為太傅貞子晉卿士穆子之子士渥濁也帥循也宣徧也惠順也知右行辛之能

以數宣物定功也使為司空右行辛晉大夫賈辛也數計也宣明也物事也能以

計數明事定功故使為司空司空掌邦事謂建都邑起宮室經封洫之屬知藥糾之能御以

和於政也使為戎御藥糾晉大夫卞糾也政軍政戎御御公戎車也知荀賓之

有力而不暴也使為戎右

荀賓晉大夫戎右公戎車之右有力而不暴故可親近之

樂伯請公族大夫

樂伯樂武子公族大夫掌公族與卿之子弟

公曰荀家惇

惠

荀家晉大夫

荀禮文敏

荀禮荀家之族

厲也果敢

厲樂書之子桓子也

無忌

鎮靖

無忌韓厥之子公族穆子也鎮重也靖安也

使茲四人者為之

也茲此夫

膏粱之性難正也

膏肉之肥者粱食之精者言食肥美者率多驕放其性難正也

故使

惇惠者教之

教之道

使文敏者道之

道其志也

使果敢者諗之

諗告也告得失也

使鎮靖者脩之

脩治其氣性

惇惠者教之則徧而

不倦

倦懈也

文敏者道之則婉而入

婉順也

果敢者諗之則

過不隱鎮靖者脩之則壹一也均使茲四人者為公族大

夫公知祁奚之果而不淫也使為元尉祁奚晉大夫高梁伯之子也元

尉中軍尉也知羊舌職之聰敏肅給也使佐之羊舌職晉羊舌大夫之子

敏達也肅敬也給足也知魏絳之勇而不亂也使為元司馬魏絳魏單

之子莊子也元司馬張老知張老之知而不詐也使為元候

晉大夫張孟也元候中軍候奄也知鐸遏寇之恭敬而信彊也使為輿

尉遏寇晉大夫輿尉上軍尉也知藉偃之惇率舊職而共給也使為

輿司馬藉偃晉大夫藉季之子藉知程鄭端而不淫且

好諫而不隱也使為贊僕

程鄭晉大夫荀驩之曾孫程季之子端正也淫邪也

贊僕乘馬御也六駟屬焉

始合諸侯於虛打以救宋

虛打宋地宋魚石叛宋而之楚

楚伐宋取彭城以封之故悼公合諸侯以救宋在魯成十八年

使張老延君譽于四方

且觀道逆者

延陳也陳君之稱譽於四方且觀察諸侯之有道德與逆亂者

呂宣子卒

宣子呂相

公以趙文子為文也

文子趙武也大有文德

而能恤大事使

佐新軍

說云新軍中軍也昭謂時但言新軍新軍無中

三年公始合諸侯

悼公三年

魯襄之二年也悼公元年始合諸侯于虛打此後言始合者謂四年將會于雞丘於此始命之四年諸

侯會於雞丘

雞丘雞澤在魯襄三年

於是乎布令結援脩好申盟

而還

令謂朝聘之數同好惡救災患之屬申尋也

令狐文子卒

文子魏頡

公乃以魏

絳為不犯

不犯不可犯以非法也

使佐新軍

傳曰魏絳多功以趙武為賢而為之佐然

則讓武使為將而絳佐之

使張老為司馬

代魏絳也

使范獻子為候奄

代張老候

奄元候也獻子范文子之族昆弟士富也

公譽達於戎

戎諸戎無終子之屬

五年諸戎來請

服使魏莊子盟之於是乎始復伯

莊子魏絳也繼文公後故曰復伯

四年會諸侯於雞丘

述上會時

魏絳為中軍司馬公子揚干

亂行於曲梁

揚干悼公之弟行行列也曲梁晉地

魏絳斬其僕

僕御也

公謂

羊舌赤

赤羊舌職之子銅鞮伯華也

曰寡人屬諸侯

屬會也

魏絳戮寡人

之弟為我勿失

戮辱也為我執之勿失也

赤對曰臣聞絳之志有事

不避難有罪不避刑其將來辭

辭陳其辭狀也

言終魏絳至授

僕人書而伏劔

僕人掌傳命聞公怒欲自殺

士魴張老交止之

交夾也

僕人授公公讀書曰臣誅於揚干不忘其死

誅責也日君

乏使使臣狃中軍之司馬

日前日也狃正也

臣聞師衆以順為

武順順軍事有死無犯為敬

有死其事無犯其令是為敬命

君合諸侯

臣敢不敬

敢不敬奉其職

君不說請死之

請就死

公跣而出

跣徒也

曰寡人之言兄弟之禮也子之誅軍旅之事也請無重

寡人之過反後與之禮食

反後自後反也禮食公食大夫之禮

令之佐新

軍

上章曰以魏絳為不犯使佐新軍是也

祁奚辭於軍尉

辭請老也

公問焉曰孰可

誰可自代對曰臣之子

午可人有言曰擇臣莫若君擇子莫若父午之少也婉

以從令

少稱也婉順也

游有鄉處有所好學而不戲

不戲弄也

其壯

也彊志而用命

此壯謂未二十時志識也命父命也

守業而不淫

業所學事業也

其冠也和安而好敬

冠二也

柔惠小物

柔仁也惠愛也

而鎮定大

事

鎮安也言知思能安定也

有直質而無流心

流放也

非義不變

言從義也

非上不舉

舉動也放
上而動

若臨大事其可以賢於臣也

大事
軍事

臣請薦所能擇而君比義焉

薦進也所能擇父能擇
子也比比方也義宜也

公

使祁午為軍尉沒平公軍無秕政

沒終也平公悼公之
子彪也秕以穀諭也

五年無終子嘉父使孟樂因魏莊子納虎豹之皮以餼

諸戎

悼公五年魯襄四年無終山戎之國今為縣在北
平子爵也嘉父名孟樂嘉父之臣莊子魏絳也餼

諸戎諸戎欲
服從於晉也公曰戎翟無親而好得不若伐之

無親無
息親好

得貪
貨財魏絳曰勞師於戎而失諸華

諸華華夏也用師於
戎不得存恤諸侯諸

侯必叛
故失之雖有功猶得獸而失人也安用之且夫戎翟薦

處薦聚也

貴貨而易土

貴重也易輕也

與之貨而獲其土其利一

也邊鄙耕農不做其利二也戎翟事晉四鄰莫不震動

其利三也

震懼也

君其圖之公說故使魏絳撫諸戎於是

乎遂伯

韓獻子老

韓獻子韓厥也說云為公族大夫老而辭位昭謂韓厥晉卿也魯成十六年傳曰韓厥將

下軍十八年晉悼公即位傳曰韓獻子為政

使公族穆子受事於朝

穆子厥之子無

忌也唐尚書云獻子致仕而用其子為公族大夫昭謂悼公元年使無忌為公族大夫後七年獻子告老欲使

為卿有廢疾讓其弟起公聽之辭曰厲公之亂無忌備更使掌公族大夫在魯襄七年

公族不能死

亂謂見殺公族同姓也

臣聞之曰無功庸者不敢居

高位

國功曰功民功曰庸

今無忌知不能匡君使至於難仁不能

救勇不能死敢辱君朝以忝韓宗請退也固辭不立悼

公聞之曰難雖不能死君而能讓不可不賞也使掌公

族大夫

掌主也初為公族大夫今使主之以是為賞

悼公使張老為卿

卿佐新軍

也辭曰臣不如魏絳夫絳之知能治大官大官卿也其仁可

以利公室不忘

不忘利公室也

其勇不疚於刑

疚病也勇能斷決也

其學

不廢其先人之職若在卿位外內必平且雞丘之會其

官不犯

不犯戮揚于也

而辭順不可不賞也公五命之固辭乃

使為司馬使魏絳佐新軍

事以見上欲見張老之讓故復言之

十二年公伐鄭軍於蕭魚

悼公十二年魯襄十一年鄭從楚故伐之軍蕭魚鄭服也

鄭伯嘉來納女工妾三十人女樂二八

嘉鄭僖公子簡公也女美女工

樂師傳曰賂晉以師悝師觸師蠲是也妾給使者工妾凡三十人女樂今伎女也八人為佾備八音也或云女

工有伎巧者也與傳相違失之矣賈侍中云妾女樂也下別有女樂二八則賈君所云似非也歌鐘二

肆

歌鐘歌時所奏肆列也凡肆鐘磬全為肆半為堵

及寶鈔

鈔小鐘也寶鄭所寶輅車十

五乘

輅廣車也車輓車也十五各十五也傳曰廣車輓車淳十五凡兵車百乘淳偶也

公賜魏

絳女樂一八歌鐘一肆曰子教寡人蘇戎翟而正諸華

於今八年七合諸侯寡人無不得志請與子共樂之

八年

和戎翟後八年也七合諸侯一謂魯襄五年會于戚二謂七年會于郟三謂八年會于邢丘四謂九年同盟于

戲五謂十年會于祖六謂十二魏絳辭曰夫蘇戎翟臣

年會于毫城北七謂會于蕭魚之幸也 八年之中七合諸侯君之靈也

靈神二

三子之勞也 謂諸臣焉得之 馬得公曰微子寡人無以

待戎無以濟河 微無也濟二三子何勞焉子其受之君

子曰能志善也

也志識

悼公與司馬侯升臺而望曰樂夫

司馬侯晉大夫汝叔齊樂見士民之殷富

也

對曰臨下之樂則樂矣德義之樂則未也

善善為德惡惡為義

公曰何謂德義對曰諸侯之為日在君側

為行也

以其善

行以其惡戒可謂德義矣公曰孰能對曰羊舌肸習於

春秋

於叔嚮之名春秋紀人事之善惡而目以天時謂之春秋周史之法也時孔子未作春秋

乃召

叔嚮使傅太子彪

彪平公也

國語卷十三

欽定四庫全書薈要卷八千四百五十二

史部

國語卷十四

吳 韋昭 注

晉語八

平公六年

平公悼公之子彪也六年魯襄二十一年

箕遺及黃淵嘉父作亂

不克而死

箕遺黃淵嘉父皆晉大夫欒盈之黨也欒厲所取范宣子之女曰欒祁生盈厲卒祁與其

老州賓通盈患之祁懼愬諸宣子曰盈將為亂盈好施士多歸之宣子執政畏其多士使城箬將逐之箕遺黃

淵等知之而作亂宣子殺遺淵嘉父及公遂逐羣賊

藥盈之黨謂知起中行嘉州
縛邢蒯之屬逐之出奔齊
謂陽畢曰自穆侯以至於

今亂兵不輟

陽畢晉大夫穆侯唐叔八世之孫桓叔叔始輟止也

民志

無厭禍敗無已

厭極也

離民且速寇恐及吾身若之何

速名也

陽畢對曰本根猶樹

本根亂本謂藥氏猶尚樹立也

枝葉益長本

根益茂是以難已也今若大其柯

柯斧柄所操以伐木

去其枝葉

絕其本根可以少間

間息也謂滅藥氏而去其黨

公曰子實圖之陽

畢曰圖在明訓

訓教也

明訓在威權

言既有明教當有威權以行之威權

在君言不君掄賢人之後有常位於國者而立之

掄擇也常

位謂世有功烈於國而中微者亦掄逞志虧君以亂國者之後而去之

也逞快是遂威而遠權遂申也遠權權及後嗣民畏其威而懷其德

莫能弗從從言皆從君若從則民心皆可畜皆可畜養而教導之畜其心

而知其欲惡民孰偷生欲惡情欲好惡也偷苟也若不偷生則莫思

亂矣且夫欒氏之誣晉國也久矣誣罔也以惡取善曰誣謂欒書雖殺厲公

然人被其德不以為惡傳曰武欒書實覆宗殺厲公以子之德在人如周人之思邵公

厚其家覆敗也宗大也謂殺厲立悼以取重於國厚其家也若滅欒氏則民威

矣威畏也今吾若起瑕原韓魏之後而賞立之則民懷矣

瑕瑕嘉原原軫韓韓萬魏畢萬威與懷各當其所則國
之後皆晉賢人有常位於國者

安矣君治而國安欲作亂者誰與君曰樂書立吾先君

先君悼公樂盈不獲罪如何言盈不得罪於國為其母陽畢

曰夫正國者不可以暱於權暱近也言當遠行權不可

以隱於私以私恩隱蔽其暱於權則民不道不可道行

權隱於私則政不行政不行何以道民民之不道亦無

君矣與無則其為暱與隱也復產害矣且勤君身後反

勞也反害於君其圖之若愛樂盈則明逐羣賊而以國

倫數而遣之

羣賊盈之黨倫理也

厚戒箴國以待之

箴猶救也待備也

彼

若求逞志而報於君罪孰大焉滅之猶少

猶少滅之恐少耳

彼

若不敢而遠逃乃厚其外交而勉之以報其德不亦可

乎

謂賂其所適之國厚寄託之而勸勉焉

公許諾盡逐羣賊而使祁午及

陽畢適曲沃逐欒盈

祁午中軍尉曲沃欒盈邑

欒盈出奔楚遂令於

國人曰自文公以來有力於先君而子孫不育者將授

立之得之者賞

授之爵位而立之

居三年

後三年

欒盈晝入為賊

于絳

欒盈在楚一年而奔齊魯襄二十三年齊莊公使析歸父以蒲載盈及其士納之曲沃夏四月盈帥

曲沃之甲因魏獻子以畫入絳

范宣子以公入于襄公之宮

襄宮完固故就之傳

曰奉公以如固宮

欒盈不克出奔曲沃

傳曰晉人圍曲沃

遂刺欒盈滅

欒氏

刺殺也傳曰晉人克欒氏之族黨

是以沒平公之身無內

亂也欒懷子之出

懷子盈也出奔楚

執政使欒氏之臣勿從

執政

正卿即范宣子從欒氏者為大戮施

施陳也陳其尸也

欒氏之臣辛俞

行行從盈也

吏執而獻之公公曰國有大令何故犯之對曰

臣順之也豈敢犯之執政曰無從欒氏而從君是明令

必從君也臣聞之曰三世事家君之

三世為大夫家臣事之如同君也

再世以下主之大夫稱上事君以死事主以勤君之明令也

自臣之祖以無大援於晉國世隸欒氏於今三世矣臣

故不敢不君今執政曰不從君者為大戮臣敢忘其死

而叛其君以煩司寇敢不敢也言不敢忘死而叛其君煩君司寇以刑臣也公說

說其執義固止之不可也肯厚賂之辭曰臣嘗陳辭矣心以

守志辭以行之所以事君也若受君賜是隋其前言隋壞

也臣無二君若受君賜是有二心也君問而陳辭未退而逆之何以事君

也逆反君知其不可得也乃遣之

叔魚生其母視之

叔魚晉大夫叔向母弟也

曰是虎目而

豕喙

虎視眈眈豕喙長而銳也

鳶肩而牛腹

鳶肩肩井出牛腹脊背也

谿壑可

盈是不可饜也

水注川曰谿壑溝也

必以賄死

後為贊理受難子而抑邪侯那侯

遂弗視

不自養視也

揚食我生

揚叔向邑也食我叔向子伯石也其母負姬之女

叔向之母聞之往及堂聞其號也乃還曰其聲豺狼之

聲也終滅羊舌氏之宗者必是子也

宗同宗也食我既

罪晉殺盈及食我至成祁氏羊舌氏在魯昭二十八年

魯襄公使叔孫穆子來聘

聘在襄二十四年

范宣子問焉

宣子

卿士曰人有言曰死而不朽何謂也言身死而不朽穆子未

對宣子曰昔勾之祖自虞以上為陶唐氏言在舜世不改堯號在

夏為御龍氏夏后孔甲之世也傳曰陶唐氏既衰其後曰劉累學擾龍於豢龍氏以事孔甲能

飲食龍夏后嘉之賜氏曰御龍在商為豕韋氏商謂武丁之後為豕韋氏初祝融之後彭姓為

大彭大彭豕韋二國為商伯其後商滅豕韋劉氏自御龍代豕韋故傳曰以更豕韋之後在周為唐

杜氏周武王之世唐杜二國名豕韋自商之末改國於唐周成王滅唐而封弟唐叔虞遷唐于杜謂之杜

伯周卑晉繼之為范氏其此之謂乎卑王室微也晉繼之者謂為盟主總

諸侯也為范氏者杜伯為宣王大夫宣王殺之其子馮叔去周適晉生子與為晉理官其孫士會為晉正卿食

邑於范是為范氏

對曰以豹之所聞此之謂世祿非不朽也

世祿

世食官邑魯先大夫臧文仲其身沒矣其言立於後世

言有言

可法者謂若教行父事君告糴於齊之屬此之謂死而不朽

范宣子與蘇大夫爭田久而無成

成平也蘇晉邑之大夫也爭田之疆界久

而不宣子欲攻之問於伯華

伯華羊舌赤也魯襄三年代父職為中軍尉之佐

伯華曰外有軍內有事赤也外事也

言主軍也不敢侵官

官與之為侵官

且吾子之心有出焉可徵訊也

出以軍旅出也徵召也訊問也

問於孫林父

林父衛大夫孫文子魯襄十四年逐衛獻公立公孫剽二十六年甯喜殺剽而納獻

公林父遂以
戚叛事晉

孫林父曰旅人所以事子也唯事是待

旅客

也言客寄之
人不敢違命

問於張老

三君云張老中軍司馬也昭謂
魯襄三年悼公以張老為司馬

至襄十六年平公即位以其子
張君臣代之此時為上軍將

張老曰老也以軍事承

子非戎則非吾所知也

戎兵

問於祁奚

祁奚既老平公
元年復為公族

夫祁奚曰公族之不恭公室之有回

回邪

內事之朝

內朝

也大夫之貪是吾罪也

大夫公族大夫
然則祁奚掌之

若以軍官從子

之私懼子之應且憎也

外應受我
內憎其非

問於藉偃

藉偃上軍
司馬藉游

也藉偃曰偃以斧鉞從於張孟

孟張
老字

曰聽命焉若夫子

之命也何二之有

夫子張孟也

釋夫子而舉

釋舍也舉動也

是反吾

子也

吾子宣子宣子為上卿本使我聽命於張孟今若背之而從子之私是反子之前令

問於叔

魚

叔魚叔向之弟

叔魚曰待吾為子戮之叔向聞之見宣子曰

聞子與蘇未寧

寧息也

徧問於大夫又無決益訪之訾柘

訾柘

宣臣

訾柘實直而博直能端辯之

端正也

博能上下

比之且吾子之家老也

家臣室老

吾聞國家有大事必順於

典刑

典常也刑法也

而訪咨於耆老而後行之司馬侯見

侯汝叔齊

曰聞吾子有蘇之怒吾以為不信諸侯皆有二心是之

不憂

二心欲
叛晉

而怒蘇大夫非子之任也祁午見

軍中

曰

晉為諸侯盟主子為正卿若能靖端諸侯使服聽命於

晉晉國其誰不為子從何必蘇

言皆從子之命
何但蘇大夫乎

盜密和

平和和大以平小乎

勸以大德
平小怨

宣子問於訾柘訾柘對

曰昔隰叔子違周難於晉國

隰叔杜伯之子違避也宣
王殺杜伯隰叔避害適晉

生子輿為理

子輿士為之
字理士官也

以正於朝朝無姦官為司空

以正於國國無敗績

績功

世及武子佐文襄為諸侯諸

侯無二心

父子為世及至也謂士為生成伯成伯生缺
缺生武子士會文公五年士會攝右為大夫

佐襄公以伯諸侯諸侯無二心者

及為卿以輔成景軍無敗政

文公生

公生及為成師居太傅

唐尚書云為成公軍師兼太傅官昭謂此成當為景字誤耳魯

宣九年晉成公卒至十六年晉景公請端刑法輯訓典

輯和

國無姦民

士會為政盜賊奔秦是也

後之人可則是以受隨范

隨范晉二邑也及文子成晉荆之盟

文子武子之子變也晉使士變盟楚于宋西門之外

在魯城

豐兄弟之國使無有間隙

豐厚也間隙瑕釁也兄弟鄰國之屬晉楚

為好不相加戎所

是以受郇櫟

郇櫟晉二邑也

今吾子嗣位於

朝無姦行於國無邪民於是無四方之患而無外內之

憂賴三子之功而饗其祿位

三子子與今既無事矣而

非齎

也非恨

於是加寵將何治為

晉加寵於子將何所為治乎

宣子說

乃益齎田而與之和

以所爭田益之與之平和

訾柘死范宣子謂獻子

獻子宣子之子范鞅

曰鞅乎昔者吾有訾

柘也吾朝夕顧焉

也顧問也

以相晉國且為吾家今吾觀女

也專則不能謀則無與

無賢臣也

將若之何對曰鞅也居處

恭不敢安易

易簡也不敢自安而為簡恭

敬學而好仁和於政而好

其道

言已為政貴和而好說其道

謀於衆不以賈好

賈求也言心樂答不求為好

私志雖衷不敢謂是也必長者之由表善也由從也宣子曰可
以免身

平公說新聲

說樂也新聲昔衛靈公將如晉舍于濮水之上聞琴聲焉甚哀使師涓以琴寫之至

晉為平公鼓之師曠撫其手而止之曰止此亡國之音也昔師延為紂作靡靡之樂後而自沈於濮水之中聞此聲者必於師曠曰公室其將卑乎師曠晉主樂大師子野君之

明兆於袞矣

凡形也

夫樂以開山川之風

開通也故八音以通八風

以

耀德於廣遠也

唯明也

風德以廣之

風宣其德廣之於四方作樂各象其德

武是也風山川以遠之

遠遠其德也

周禮每樂一變各有所致謂鱗介毛羽之物山林

川澤天地之神祇也

言風化之動物莫不傾耳而聽

脩詩以詠之循

禮以節之夫德廣遠而有時節

作之有時動有禮義

是以遠服而

邇不遷

平公射鵙不死

鵙鳥也

使豎襄搏之失

豎內豎襄名也

公怒拘

將殺之叔向聞之夕

夕至於朝

君告之叔向曰君必殺之昔

吾先君唐叔射兕於徒林殪以為大甲

兕似牛而青善觸人徒林林名

一發而死曰殪甲鎧也

以封于晉

言有才藝以受封爵

今君嗣吾先君唐叔

射鵙不死搏之不得是揚吾君之恥者也君其必速殺

之勿令遠聞

殺之益聞
詭辭以諫

君忸怩顏乃趣赦之

忸怩
慙兒

叔向見司馬侯之子撫而泣之

撫拊也

曰自此其父之死

吾蔑與比而事君矣昔者此其父始之我終之

謂有所
建為及

諫爭相為終始
以成其事也

我始之夫子終之無不可

無不可言
皆從也

藉

偃在側曰君子有比乎

君子周而不
比故偃問之

叔向曰君子比而

不別比德以贊事比也

贊佐也

引黨以封已

引取也
封厚也

利已

而忘君別也

別別為
朋黨也

秦景公使其弟鍼來求成

景公秦穆公之玄孫桓公之
子鍼后子伯車也在魯襄二

十六年叔向命名行人子員行人掌賓客之官員名也行人子朱曰朱

也在此叔向曰名子員子朱曰朱也當御當直也御進也言次應直

事叔向曰盼也欲子員之對客也子朱怒曰皆君之臣

也班爵同與員同也何以黜朱也黜邊也撫劍就之叔向曰秦

晉不和久矣今日之事幸而集集成也子孫饗之饗饗其福也饗

或為不集三軍之士暴骨必復戰闕也夫子員道賓主之言

無私子常易之易變也姦以事君者吾所能禦也拂衣從

之拂褰也人救之平公聞之曰晉其庶乎庶幾於興吾臣之所

爭者大師曠侍曰公室懼卑其臣不心競而力爭

諸侯之大夫盟于宋

盟在魯襄二十七年晉楚始盟以弭諸侯之兵

楚令尹子

木欲襲晉軍

子木屈到之子屈建也傳曰將盟楚人衷甲襲掩也

曰若盡晉師而

殺趙武則晉可弱也

趙武晉正卿文子也

文子聞之謂叔向曰若

之何叔向曰子何患焉忠不可暴

不可暴

信不可犯

忠自中

自中出也

而信自身

身行信也

其為德也深矣其置本也

固矣故不可扞也

扞動也

今我以忠謀諸侯

謀安諸侯

而以信

覆之

覆驗其忠

荆之逆諸侯也亦云

亦云欲弭兵為忠信逆迎也

是以在

此若襲我是自背其信而塞其忠也

塞絕也

信反必斃

斃踏斃

也忠塞無用

無以用諸侯也

安能害我且夫合諸侯以為不信

諸侯何望焉此行也荆敗我諸侯必叛之

以弭兵名諸侯而衷甲以

襲晉故諸侯必叛之

子何愛於死死而可以固晉國之盟主何懼

焉

言晉有信諸侯必歸之

是行也以蕃為軍

蕃籬落也

攀輦即利

而舍

攀引也輦輦車也即就也言人引車就水草便利之地而舍之

候遮扞衛不行

候

望遮遮罔也晝則候遮夜則扞衛扞衛謂羅圍狗附也張羅圍去壘五十步而陳周軍之前後左右橫弩注矢

以誰何謂之羅圍入二十人為曹輩去壘三百步畜犬其中或視前後或視左右謂之狗附皆昏而設明而罷

候遮二十人居狗附處以視聽候楚人不敢謀畏晉之望明而設昏而罷不行者不設之

信也

畏晉守信諸侯與之故不敢謀也

自是沒平公無楚患矣

宋之盟

弭兵之盟也

楚人固請先軟

楚人子木也軟飲血也

叔向謂趙

文子曰夫伯王之勢在德不在先軟子若能以忠信贊

君贊佐也

而裨諸侯之闕

裨補也闕缺也

軟雖後諸侯將戴之何

爭於先若違於德而以賄成事

政以賄成

今雖先軟諸侯將

棄之何欲於先昔成王盟諸侯于岐陽岐山陽楚為荆蠻

蠻荆州之蠻也

置茅絕設望表與鮮牟守燎故不與盟

置立也絕謂束

茅而立之所以縮酒望表謂望祭山川立木
以為表表其位也鮮牟東夷國燎庭燎也
今將與狎

主諸侯之盟唯有德也狎更也子務德無爭先務德所以

服楚也乃先楚人讓使楚先

號之會諸侯之大夫尋宋之盟在魯昭元年魯人食言食偽也言魯使叔孫穆子如會尋宋

之盟欲以修好弭兵尋盟未退而魯伐莒取郟是為虛偽其言楚令尹圍將以魯叔孫

穆子為戮令尹圍楚恭王之子樂王鮒求貨焉弗與鮒晉大夫樂桓子也趙

文子謂叔孫曰夫楚令尹有欲於楚欲欲得楚國也少懦於諸

侯懦弱也諸侯為弱以諸侯之故求治之不求致也故事也必欲治之非但求

致之尚好也好自尊寵若及必弗避也以

及於卑者必加治戮無所避也子盍逃之不幸必及於子對曰豹也受

命於君以從諸侯之盟為社稷也為欲衛社稷也若魯有罪而

受盟者逃魯必不免不免於討是吾出而危之也若為諸侯

戮者魯誅盡矣必不加師請為戮也夫戮出於身實難

難難居也自它及之何害何害於義苟可以安君利國美惡一也

美生惡死文子將請之於楚樂王鮒曰諸侯有盟未退而魯

背之安用齊盟齊一也縱不能討又免其受盟者晉何以

為盟主矣

言無以復齊一諸侯

必殺叔孫豹文子曰有人不難以

死安利其國可無愛乎若皆卹國如是則大不喪威而

小不見陵矣若是道也果

果必行也

可以教訓何敗國之有

吾聞之曰善人在患弗救不祥惡人在位弗去亦不祥

必免叔孫固請於楚而免之

趙文子為室

室宮也

斲其椽而磬之

椽椽也磬磨也

張老夕焉而

見之

見見匠人為之

不謁而歸

謁告也

文子聞之駕而往曰吾不

善子亦告我何其速也

速去也

對曰天子之室斲其椽而

磬之加密石焉

先密細密文理石為砥也

諸侯磬之

無密石也

大夫斲之

不磬也

士首之

斲其首也

備其物義也

物備得宜謂之義

從

其等禮也

從尊卑之等謂之禮

今子貴而忘義富而忘禮吾懼不

免何敢以告文子歸令之勿磬也匠人請皆斲之

通更斲之

文子曰止為後世之見之也

為使也

其斲者仁者之為也

其磬者不仁者之為也

趙文子與叔向游于九京

京當為原九原晉墓地

曰死者若可作

也

作起也

吾誰與歸叔向曰其陽子乎

陽子處父

文子曰夫陽

子行廉直於晉國不免其身廉直剛而無謀為狐射姑所殺其知不足

稱也

稱述也

叔向曰其舅犯乎文子曰舅犯見利不顧其

君其仁不足稱也

見利見全身之利謂與晉文避難至將反國無輔佐安國之心授璧請七

故其仁不足稱也鄭後司農以為詐請亡要君以利也

其隨武子乎武子納諫不

忘其師

言聞之於師也

言身不失其友

身有善行事君不援而

進

進賢也

不阿而退

阿隨也退退不肖也言不隨君必欲進賢退不肖

秦后子來奔

后子景公之弟鍼來奔在魯昭元年

趙文子見之問曰秦君

道乎問有對曰不識

難即言之故曰不識

文子曰公子辱於敝邑

必避不道也對曰有焉

道有不

文子曰猶可以久乎對曰

鍼聞之國無道而年穀餼孰

言國無道而年穀和孰天不譴覺必恃而驕也

鮮

不五稔

鮮少也稔年也少不至五年而亡

文子視日曰朝夕不相及誰

能俟五

言朝恐不至夕

文子出后子謂其徒

徒從者

曰趙孟將死

矣夫君子寬惠以恤後猶恐不濟今趙孟相晉國以主

諸侯之盟思長世之德歷遠年之數猶懼不終其身今

怵日而激歲

怵偷也激遲也

怠偷甚矣

怠懈也偷苟也

非死逮之必有

大咎

逮及也大咎非常之禍

冬趙文子卒

平公有疾秦景公使醫蘇視之

蘇名也

出曰疾不可為也

為治

也是謂遠男而近女

遠師傳近女色也

感以生蠱

感於女以生疾蠱

非鬼

非食惑以喪志

疾非鬼神亦非飲食生於淫惑以喪其志

良臣不生天命不佑

佑助也良臣謂趙孟不生將死也

若君不死必失諸侯趙文子聞之曰武

從二三子

二三子晉諸卿

以佐君為諸侯盟主於今八年矣內無

苛慝諸侯不二

苛煩也慝惡也

子胡曰良臣不生天命不佑對曰

自今之謂

從今以往

蘇聞之曰直不輔曲明不規闇

言文子不能以明直

規輔平公之闇曲使至淫惑也

榘木不生危

榘木大木危高險也

松柏不生埤

埤下濕也

以喻文子
不久存也

吾子不能諫惑使至於生疾又不自退而寵其

政寵榮也

八年之謂多矣

已為多矣

何以能久文子曰醫及國

家乎對曰上醫醫國

止其淫惑是謂醫國

其次疾人固醫官也

猶官

也

文子曰子稱蠱何實生之對曰蠱之慝穀之飛實生

之慝惡也言蠱之為惡害於嘉穀殺為之飛若是類生蠱疾者

物莫伏於蠱莫嘉於

穀伏藏也嘉善也穀興蠱伏而章明者也

穀氣起則蠱伏藏殺不朽蠱而人食之章

明之故食穀者晝選男德以象穀明

晝擇也擇有德者而親近之以象人

食穀而有聰明宵靜女德以伏蠱慝

靜安也伏去也言夜當安女之有德者以禮自節以

去已蟲害之病言盡害殺猶女害男也今君一之一一晝是不饗穀而食

蠱也蠱喻女也是不昭穀明而皿蠱也皿器也言為蠱夫文

蟲皿為蠱吾是以云文字也文子曰君其幾何對曰若諸

侯服不過三年不服不過十年諸侯服則專於色過是晉之殃

也過十年荒淫之禍及國也是歲趙文子卒諸侯叛晉叛晉從楚十年平

公薨十年後十年也事在魯昭十年

秦后子來仕避景公仕於晉其車千乘從車千乘楚公子干來仕其

車五乘子干恭王之庶子公子比也魯昭元年楚公子圍殺却敖子干奔魯叔向為太傅

實賦祿韓宣子問二公子之祿焉

宣子韓起也代趙文子為政

對曰

大國之卿一旅之田

公之孤四命五百人為旅為田五百頃

上大夫一卒

之田

上大夫一命百人為卒為田百頃

夫二公子者上大夫也皆一卒

可也宣子曰秦公子富若之何其鈞之也

鈞同對曰夫

爵以建事

事職事也

祿以食爵

隨爵尊卑

德以賦之功庸以稱之

稱副也若何其以富賦祿也夫絳之富商韋藩木楨以過

于朝

韋藩韋蔽前後木楨木櫛也

唯其功庸少也

言無功庸雖富不得服其尊服過於

朝無位也而能金玉其車文錯其服

文入織錯錯鏤也言富商之財足以金玉

其車文錯其服以其無爵位故不
得為耳則上為韋藩木楨是也

能行諸侯之賄

言其賄

足以交於諸侯

而無尋尺之祿無大績於民故也

績功也八尺曰尋

且

秦楚匹也若之何其回於富也

回曲也

乃均其祿

鄭簡公使公孫成子來聘

簡公倍公之子嘉也成子子產之謚鄭穆公之孫子國之

子平公有疾韓宣子贊授客館

贊導也

客問君疾對曰寡

君之疾久矣上下神祇無不徧諭也

諭謂祭祀告謝也

而無除

今夢黃能入于寢門

夢公夢也能似熊

不知人殺乎抑厲鬼邪

人殺主殺人厲鬼惡鬼也

子產曰以君之明子為大政其何厲之有

大政美政僑聞之僑子產名昔者鯀違帝命殛之於羽山帝堯也殛

放殛而化為黃能以入于羽淵羽山之淵鯀既死而神化也實為夏

郊禹有天下而郊祀之三代舉之舉謂不廢其祀夫鬼神之所及所及非

其族類則紹其同位紹繼也殷周祀之是也是故天子祀上帝上帝

也天公侯祀百辟以死勤事功施於民者自卿以下不過其族族親也

今周室少卑卑微也晉實繼之謂為盟主統諸侯也其或者未舉夏

郊邪宣子以告祀夏郊為周祀也董伯為尸董伯晉大夫神不歆非類則董

伯其姒姓五日公見子產祭後五日平公賜之莒鼎莒鼎

出於莒也傳曰賜子產莒之二方鼎方鼎鼎方上也

叔向見韓宣子宣子憂貧叔向賀之宣子曰吾有卿之

名而無其實

實財也

無以從二三子

從隨也隨其

吾是以

憂子賀我何故對曰昔欒武子無一卒之田

上大夫一

卒之田

書為晉上卿而不及

其宮不備其宗器

宮室宗器祭器

宣其德行順其

憲則使越於諸侯

越發也

諸侯親之戎狄懷之

懷歸也

以正

晉國行刑不疚

疚病也

以免於難

免殺君之難

及桓子驕泰奢

侈貪欲無藝

藝極也桓子欒書之子厲也

畧則行志

畧犯也則法也

假貸居

賄居蓄也宜及於難而賴武之德以沒其身及懷子改桓

之行而脩武之德

懷子桓子之子盈也

可以免於難而離桓之罪

以亡於楚

亡奔也

夫卻昭子

昭子卻至也

其富半公室其家半

三軍恃其富寵以秦於國

奢秦於國

其身尸於朝其宗滅于

絳不然夫八卻五大夫三卿

三卿卻錡卻至卻犖又有五人為大夫

其寵

大矣一朝而滅莫之哀也唯無德也今吾子有樂武子

之貧吾以為能其德矣

能行其德

是以賀若不憂德之不建

而患貨之不足將弔不暇何賀之有宣子拜稽首焉曰

起也將亡賴子存之非起也敢專承之

專獨也承受也

其自桓

叔以下嘉吾子之賜

桓叔韓氏之祖曲沃桓叔也桓叔生子萬受韓以為大夫是為韓萬

國語卷十四

欽定四庫全書薈要卷八千四百五十三

史部

國語卷十五

吳 韋昭 注

晉語九

士景伯如楚

景伯晉理官士彌牟如楚聘也

叔魚為贊理

叔魚羊舌鮒也贊佐

也景伯如楚故叔魚攝其官也傳曰叔魚攝理

邢侯與邲子爭田

二子皆晉大夫也邢

侯楚申公巫臣之子也巫臣奔晉晉與之邢邲

子故楚大夫奔晉晉與之邲爭邲田之疆界也邲子

納其女於叔魚以求直

不直故納其女傳曰罪在邲子

及蔽獄之日

叔魚抑邢侯

蔽決也
抑枉也

邢侯殺叔魚與雛子於朝韓宣

子患之叔向曰三姦同罪請殺其生者而戮其死者

陳尸
為戮

宣子曰若何對曰鮒也

鬻獄也

鬻賣

雛子賈之以

其子邢侯非其官也而干之

官司寇也
干犯也

夫以回鬻國

之中

四邪也
中平也

與絕親以買直與非司寇而擅殺其罪

一也邢侯聞之逃遂施邢侯氏

施施劫
捕也

而尸叔魚與

雛子於市

死時在朝故尸於
市在魯昭十四年

中行穆子率師伐翟圍鼓

穆子晉卿中行偃之子荀
吳中行伯也翟解虞也鼓

白翟別邑在魯昭十五年鼓人或請以城畔穆子不受軍吏曰可

無勞師而得城子何不為穆子曰非事君之禮也夫

以城來者必將求利於我利爵賞也夫守而二心姦之大

者也賞善罰姦國之憲法也許而弗予失吾信也若

其予之賞大姦也姦而盈祿善將若何盈滿也且夫翟

之憾者以城來盈願憾恨也晉豈其無豈無也是我以鼓

教吾邊鄙貳也貳二心也夫事君者量力而進進進取也不能

則退不以安賈貳賈市也安謂不勞師而得鼓令軍吏呼城儆將

攻之未傳而鼓降傳著也

中行伯既克鼓以鼓子宛支來宛支鼓子為鞮也穆子既克鼓以為鞮歸

既獻而反之其後又畔魯昭二十二年荀吳襲鼓滅之以為鞮歸使涉宅守之也令鼓人各

復其所非寮勿從寮官也鼓子之臣曰夙沙釐以其孥

行釐將妻子從鼓子也軍吏執之辭曰我君是事非事土也名

曰君臣豈曰土臣今君實遷遷徙也臣何賴於鼓賴利也

穆子召之曰鼓有君矣君謂涉也爾止事君吾定而祿

爵定安也而汝也對曰臣委質於翟之鼓未委質於晉之鼓

也質贄也士贄以雉委贄而退臣聞之委質為臣無有二心委質

而策死古之法也

言委質於君書名於策示必死也

君有烈名臣無

畔質烈明也

敢即私利以煩司寇而亂舊法其若不虞

何

即就也虞度也若就私利是為畔君畔君有辜故煩司寇舊法策死之法也若臣皆如是是將有不

意度而至之患者晉其如之何

穆子歎而謂其左右曰吾何德之務

而有是臣也

吾當脩務何德而得若此之臣乎

乃使行既獻

獻獻功也

言

於頃公

言釐之賢於頃公頃公昭公之子去疾也

與鼓子田于河陰

河陰晉河

南之田使君而田之

使夙沙釐相之

范獻子聘於魯

獻子范宣子之子士鞅也聘在魯昭二十二年

問具山敖山

魯人以其鄉對

言其鄉也

獻子曰不為具敖乎對曰先

君獻武之諱也

獻伯禽之曾孫微公之子獻公具也武獻公之庶子武公敖也

獻子

歸徧戒其所知曰人不可以不學吾適魯而名其二

諱為笑焉唯不學也

言學則必知諱不見笑也禮入境而問禁入門而問諱

人

之有學也猶木之有枝葉也木有枝葉猶庇蔭人而

况君子之學乎

董叔將取於范氏

董叔晉大夫也范氏范宣子之女

叔向曰范氏富

益已乎

言富必驕驕必陵人已止也

曰欲為繫援焉

欲自繫綴以為援助

它

日董祁愬於范獻子

祁董叔之妻獻子之妹也范姓祁名也

曰不吾敬

也獻子執而紡於庭之槐

紡縣也

叔向過之曰子盍為

我請乎叔向曰求繫既繫矣求援既援矣欲而得之

又何請焉

趙簡子曰魯孟獻子有鬪臣五人我無一何也

簡子晉卿

趙文子之孫景子之子趙鞅志父也孟獻子魯大夫仲孫蔑也鬪臣扞難之士

叔向曰子不

欲也若欲之臍也待交粹可也

此言欲勇則勇士至

梗陽人有獄將不勝

梗陽魏氏之邑獄訟也

請納賂於魏獻子

獻子將許之

獻子晉正卿魏戌之父魏舒也傳曰梗陽人有獄魏戌不能斷以獄上其大宗

賂以女樂獻子將受之或云大宗即舒也昭謂大宗訟者之大宗為訟者納賂

閻沒謂叔寬

曰與子諫乎

閻沒閻明叔寬女齊之子叔褒也皆晉大夫傳曰魏戌使二子諫

吾主

以不賄聞於諸侯

主獻子也不賄不貪財也

今以梗陽之賄殃之

不可

殃猶病也

二人朝而不退獻子將食問誰在庭曰閻

明叔褒在召之使佐食

佐猶勸也

比已食三歎既飽獻子

問焉曰人有言曰唯食可以忘憂吾子一食之間而

三歎何也同辭對曰吾小人也貪饋之始至懼其不足故歎中食而自咎也曰豈主之食而有不足是以

再歎主之既食願以小人之腹為君子之心屬厭而

已是以三歎屬適也厭飽也已止也獻子曰善乃辭

梗陽人善二子善論而不

下邑之役董安于多下邑晉邑董安于趙簡子家臣

十三年簡子殺邯鄲大夫趙午午之子稷以邯鄲畔

午荀寅之甥也荀寅士吉射之姻也二人作亂攻趙氏之宮簡子奔晉陽晉人趙簡子賞之辭辭不受也固賞

之對曰方臣之少也進秉筆贊為名命稱為前世義

於諸侯言見稱譽於前世而主弗志志識及臣之壯

也者其股肱以從司馬者致也司馬掌兵也苛慝不產及臣之

長也端委鞞帶以隨宰人端玄端委兒鞞韋鞞肱帶民無二心

大帶宰人宰官也今臣一旦為狂疾而曰必賞女言戰關為凶事猶人

有狂易之疾相殺傷也是以狂疾賞也不如亡趨而出乃釋之

趙簡子使尹鐸為晉陽尹鐸簡子家臣晉陽趙氏邑為治也請曰以為

繭絲乎抑為保障乎繭絲賦稅保障蔽扞也小城曰保禮記曰過人保者簡子

曰保障哉尹鐸損其戶數

損其戶則民優而稅少

簡子誠襄子

襄子簡子之子無卹也

曰晉國有難而無以尹鐸為少無以晉

陽為遠必以為歸

所謂保障

趙簡子使尹鐸為晉陽曰必墮其壘培

墮壞也壘荀寅士吉射圍

趙氏所作壁壘也壘塹曰培

吾將往焉若見壘培是見寅與吉射

也尹鐸往而增之

增高其壘因以自備也

簡子如晉陽見壘怒

既不墮又增之故怒也

曰必殺鐸也而後入大夫辭之

辭請不也

可可肯也

曰是昭余讎也

昭明也明我怨讎以辱我也

郵無正進

無正也

晉大夫郵
良伯樂

曰昔先主文子少釁於難

文子簡子之祖
趙武也釁猶讎

也難謂莊姬之
讒趙氏見討

從姬氏於公宮

姬氏莊姬趙朔之妻
文子之母晉景公之

姊也姬淫於趙嬰嬰兄趙同趙括放之姬
讒同括景公殺之文子從莊姬於公宮

有孝德以

出在公族

為公族
大夫也

有恭德以升在位

在鄉

有武德以

羞為正卿

正卿上卿
羞進也

有溫德以成其名譽失趙氏之

典刑

典常也
刑法也

而去其師保

在公宮故
無師保也

基於其身以克

復其所

基始也始更脩之於
身以能復其先也

及景子長於公宮

景子
文子

之子簡子之父趙成
也從其王母在公宮

未及教訓而嗣立矣亦能纂脩

其身以受先業無謗於國順德以學子

學教也

擇言以

教子擇師保以相子今吾子嗣位有文之典刑有景

之教訓重之以師保加之以父兄

同宗之父兄

子皆䟽之

以及此難

荀士難

夫尹鐸曰思樂而喜思難而懼人之

道也委土可以為師保吾何為不增

言見壘培可以戒懼足當師保

何為不增

是以脩之庶曰可以鑑而鳩趙宗乎

鑑鏡也鳩安也

若

罰之是罰善也罰善必賞惡臣何望矣簡子說曰微

子吾幾不為人矣

微無也

以免難之賞賞尹鐸

免難之賞軍賞

也言見戒而懼懼則有備是為免難也

初伯樂與尹鐸有怨

伯樂無以

其賞如伯樂氏

如之也

曰子免吾死敢不歸祿

祿所得也

辭曰吾為主圖非為子也怨若怨焉

若如也怨自如故也

鐵之戰趙簡子曰鄭人擊我吾伏弋血鼓音不衰

鐵衛地弋弓衣也晉中行寅范吉射以朝歌畔齊鄭

與之魯哀公二年齊人輸范氏粟鄭罕達駟弘送之

范吉射逆之簡子禦之遇於戚遂戰於鐵鄭人擊簡

子中肩斃于車中伏弋上猶能擊鼓面汚血曰略

今日之事莫我若也衛莊公為右

莊公衛靈公太子蒯聵也圖殺少君

不成奔晉簡子許納之時為簡子車右

曰吾九上九下擊人盡殪

殪死也九

上九下車
以救簡子

今日之事莫我加也郵無正御

無正王良御御簡子

也

曰吾兩鞮將絕吾能止之

鞮鞮也能止馬徐行故不絕

今日之

事我上之次也

言次蒯聩

駕而乘材兩鞮皆絕

乘轆也材橫木也

衛莊公禱

禱謂將戰時請福也

曰曾孫蒯聩以諄趙鞅之故

詩佐

也

敢昭告于皇祖文王

昭明也皇大也文王康叔之父

烈祖康叔

顯烈

也

文祖襄公

文言有文德也襄公蒯聩之祖父靈公之考

昭考靈公

昭明也靈

公蒯聩之父

夷請無筋無骨

夷傷也戰鬪不能無傷無筋無絕筋無骨無折骨也

無

面傷

傷於面也

無敗用

用兵用也

無隕懼

隕越也

死不敢請

言不敢請

歸之簡子曰志父寄也

志父簡子之後名也春秋書趙鞅入于晉陽以叛後得反

國故改為志父寄寄禱也

趙簡子田于螻

螻晉君之圃

史黯聞之以犬待于門

史黯晉大

夫史墨也時為簡子史犬田犬也門君圃門也

簡子見之曰何為曰有所得

犬欲試之茲圉

茲此也

簡子曰何為不告對曰君行臣

不從不順

言君從法臣從君也

主將適螻而麓不聞

麓王君苑圃之官也

傳曰山林之木衡麓守之

臣敢煩當日

當日直日也言主將之君固不煩麓以告君臣亦不

敢煩主之直日以自白也

簡子乃還

少室周為趙簡子右

少室周趙簡子臣之姓名也右戎右也

聞牛談有

力

牛談簡子臣

請與之戲

戲角力也

弗勝致右焉

致右於談

簡子許

之使少室周為宰

宰家宰也

曰知賢而讓可以訓矣

趙簡子歎曰吾願得范中行之良臣

范吉射中行寅

史黯侍

曰將焉用之簡子曰良臣人之所願也又何問焉對

曰臣以為不良故也夫事君者諫過而賞善

諫過匡救其惡

賞善將順其美

薦可而替不

薦進也替去也傳曰君所謂可而有不焉臣獻其不以成其可

君所謂不而有可焉臣獻其可以去其不

獻能而進賢擇才而薦之朝夕

誦善敗而納之道之以文行之以順勤之以力致之

以死

死其難也

聽則進不則退今范中行氏之臣不能匡

相其君使至於難

難謂為亂見逐伐君而敗見討伐也事在魯定公十三年

君出

在外

以朝歌畔魯哀五年又奔齊

又不能定而棄之則何良之為

若弗棄則主焉得之夫二子之良將勤營其君使復

立於外死而後止何日以來

立於外有爵土於它國也

若來乃非

良臣也簡子曰善吾言實過矣

趙簡子問於壯馳茲

壯馳茲晉大夫益吳人也

曰東方之士孰為

瘡

瘡賢也

壯馳茲拜曰敢賀簡子曰未應吾問何賀對

曰臣聞之國家之將興也君子自以為不足其亡也

若有餘今主任晉國之政而問及小人又求賢人吾

是以賀

趙簡子歎曰雀入于海為蛤雉入于淮為蜃

小曰蛤大曰蜃

皆介物蚌類也

龜鼉魚鼈莫不能化

化謂蛇成鼈龜石首成鼉之類也

唯人

不能哀夫竇犇侍

竇犇晉大夫

曰臣聞之君子哀無人

賢人

也人
不哀無賄哀無德不哀無寵哀名之不令不哀年

之不登

也登高

夫中行范氏不恤庶難而欲擅晉國今

其子孫將耕於齊宗廟之犧為畎畝之勤

純色為犧喻二子皆

名族之後當為祭主於宗廟今反放逐畎畝之中是亦人之化也

人之化也何日之

有趙襄子使新穉穆子伐翟

襄子晉正卿簡子之子無卹也新穉穆子晉大

夫新穉狗也伐翟在春秋後

勝左人中

左人中翟二色也

遽人來告

遽傳

也襄子將食尋飯有恐色侍者曰狗之事大矣

大謂勝二

邑而主色不怡何也

怡悅也

襄子曰吾聞之德不純

一純

也而福祿並至謂之幸夫幸非福

德不能服必致寇故非福也

非

德不當讎

當猶任也。讎和也。言唯有德者任以福祿為和樂也。

讎不為幸

樂則能和

不為幸也

吾是以懼

知宣子將以瑤為後

知宣子晉卿荀躒之子甲也。瑤宣子之子襄子知伯也。

知

果曰不如宵也

知果晉大夫知氏之族也。宵宣子之庶子也。

宣子曰宵也

狠

狠狠戾不從人

對曰宵之狠在面瑤之狠在心心狠敗國

面狠不害瑤之賢於人者五其不逮者一

不仁也

美鬢

長大則賢

鬢髮類也

射御足力則賢伎藝畢給則賢

給足也

巧文辯惠則賢

巧文巧文辭於文

強毅果敢則賢如是而甚不

仁以其五賢陵人而以不仁行之其誰能待之

待猶假也

若果立瑤也知宗必滅弗聽知果別族于太史為輔

氏

太史掌氏姓

及知氏之亡唯輔果在

善其知人

知襄子為室美

襄子知伯瑤也美麗好也

士茁夕焉

士茁知伯家臣夕夕往也

知伯曰室美夫對曰美則美矣抑臣亦有懼也知伯

曰何懼對曰臣以秉筆事君志有之曰高山峻原不

生草木

志記也峻峭也原陸也言其高險不安故不生草木

松柏之地其土不

肥

言上茂盛冬夏有蔭故土不肥

今土木勝臣懼其不安人也

言不兩興

室成三年而知氏亡

三年知伯與韓魏伐趙襄子圍晉陽而灌之城不浸者三版知

伯行水魏桓子御韓康子驂乘知伯曰吾始知水可以亡人國也汾水可以灌安邑安邑魏也絳水可以

灌平陽平陽韓也桓子肘康子康子履桓子之跗趙襄子夜使張孟私於韓魏韓魏與之合遂滅知伯而

分其地在春秋後

還自衛三卿宴于藍臺

還自衛知襄子伐鄭自衛還也三卿知襄子韓康子魏桓

子藍臺地名也知襄子戲韓康子而侮段規康子韓宣子之

虎也段規魏桓子之相也知伯國聞之諫伯國晉大夫曰主不備

難必至矣曰難將由我我不為難誰敢興之對曰異

於是

言所聞與此異

夫郤氏有車轅之難

郤犇與長魚矯爭田執而措之與其

父母妻子同一轅既矯嬖於厲

公而滅三郤在魯成十七年

趙有孟姬之讒

趙趙同趙

括也孟姬趙文子之母莊姬也通於趙嬰凡同括於

之孟姬慙怨讒之於景公景公殺之在魯成八年

樂有叔祁之愬

樂樂盈也叔祁范宣子之女盈之母也與其老州宿通盈患之祁愬之於

宣子遂

范中行有函冶之難

函冶范臯夷之邑也臯夷無寵於范吉射而欲

為亂於范氏中行寅與范氏相睦故臯

夷謀逐二子卒滅之在魯定十三年

皆主之所知

也夏書有之曰一人三失

三失三失人也

怨豈在明

明著不

見是圖

不見未形也

周書有之曰怨不在大

或大而

亦不

在小

禍難或起小怨

夫君子能勤小物故無大患

物事也

今主

一宴而恥人之君相

君康子相段規

又弗備曰不敢興難無

乃不可乎夫誰不可喜而誰不可懼螭蛇蚤蠹皆能

害人況君相乎弗聽自是五年乃有晉陽之難

自藍臺之

後五年也段規反首難而殺知伯于師

言段規首為策作難反知伯者

遂

滅知氏

晉陽之圍

知襄子圍趙襄子於晉陽也魯悼四年知瑤伐鄭恥襄子怨之知瑤驕秦請地

於趙趙弗與瑤帥韓魏攻趙襄子襄子保晉陽三家圍之在春秋後

張談曰先主為重

器也為國家之難

張談趙襄子之宰孟談也重器圭璧鍾鼎之屬

益姑無愛

寶於諸侯乎

欲令行賂以求助也

襄子曰吾無使也張談曰地

也可

地趙襄子之臣

襄子曰吾不幸有疾不夷於先子

夷平也疾

病也言已行有闕病不及先子也

不德而賄

言無德而以賄求助也

夫地也求

飲吾欲

言地求飲食我以情欲無忠諫也

是養吾疾而干吾祿也

養長

也干求也

吾不與皆斃

皆俱也斃踏也

襄子出曰吾何走乎從者

曰長子近且城厚完

長子晉別縣也

襄子曰罷民力以完之

又斃死以守之其誰與我

斃踏也誰與我誰與我同力也

從者曰邯

鄆之倉庫實

邯鄆晉別縣也

襄子曰浚民之膏澤以實之

浚

也讀若濟

又因而殺之其誰與我其晉陽乎先主之所屬

也

先主簡子也謂無以尹鐸為少晉陽為遠必以為歸

尹鐸之所寬也民必和

矣乃走晉陽晉師圍而灌之

晉師三卿之師也灌引汾水以灌之

沈窳

產鼃民無畔意

沈窳縣釜而炊也產鼃鼃生於窳也鼃蝦蟆也


國語卷十五

謹案卷十四第三頁後八行三世事家君之刊本
事作仕據宋本改

第七頁前八行成伯生缺刊本訛作缺成伯據宋
本改

第十六頁前八行楚公子圍殺郟敖于干奔魯刊
本敖訛放據左傳改

第十七頁前三行且秦楚匹也刊本秦楚訛楚秦
據宋本改



總校官庶吉士臣張能照

校對官庶吉士臣翟槐

謄錄監生臣姚鍾英

謄錄貢生臣王嘉稷

欽定四庫全書叢要

史部

國語卷十六至十八

詳校官員外郎臣楊世綸



欽定四庫全書蒼要卷八千四百五十四

史部

國語卷十六

吳韋昭注

鄭語

桓公為司徒

桓公鄭始封之君周厲王之少子宣王之弟桓公友也宣王封之於鄭幽王八年

年為司徒

甚得周衆與東土之人

周衆西周之民東土陝以東也

問於史

伯曰王室多故

史伯周太史故猶難也

余懼及焉其何所以

逃死史伯對曰王室將卑戎狄必昌不可偪也

昌盛也偪

也迫當成周者成周南有荆蠻申呂應鄧陳蔡隨唐荆

芊姓之蠻鬻熊之後也申呂姜姓應蔡隨唐皆姬姓也應武王子所封鄧曼姓陳媯姓也北有衛

燕翟鮮虞路洛泉徐蒲衛康叔之封燕鄧公之封皆姬姓也翟北翟也鮮虞姬姓

在翟者路洛泉徐八國姬西有虞虢晉隗霍楊魏芮姓也虞

虞仲之後虢虢東有齊魯曹宋滕薛鄒莒齊姜姓魯曹滕皆姬

姓宋子姓薛任姓鄒曹姓莒已姓東夷之國也是非王之支子母弟甥舅也

則皆蠻荆戎翟之人也王夫子母弟姬姓是也甥舅異姓是也蠻荆楚也戎翟北

是也戎或為夷非親則頑不可入也親謂夫子甥舅頑謂蠻夷戎翟

也 其濟洛河潁之間乎

言此四水之間可逃也 謂左濟右洛前潁後河

是其

子男之國號鄒為大

是是四水也 姬姓也 鄒妘姓也

號東號號仲之後 當幽王時於

子男此二國為大

號叔恃勢鄒仲恃險

此號叔號仲之後 仲皆當時二國君之

守勢地勢阻固也 險有險阨皆恃之而不脩德

是皆有驕侈怠慢之心而加

之以貪冒君若以周難之故寄孥與賄焉不敢不許

妻子曰孥 賄財也

周亂而弊是驕而貪必將背君君若以成

周之衆奉辭伐罪無不克矣

桓公甚得周衆奉直 辭伐有罪故必勝也

若

克二邑

二邑 號鄒

鄒蔽補丹依檠厯莘君之土也

言克號 鄒則此

八邑皆可得也

若前莘後河右洛左濟

莘莘國也

主芑驪而食溱

洧

芑驪山名主為之神主也孔子曰夫顯史為東蒙主食謂居其土食其水也

脩典刑以

守之唯是可以少固

其後卒如史伯之言

公曰南方不可乎

南方

當成周之南申郟之間

對曰夫荆子熊嚴生子四人伯霜仲雪

叔熊季

紂

荆楚也熊嚴楚子鬻熊之後十四世也伯霜楚子熊霜季紂楚子熊紂也仲不立叔

在濮耳

叔熊逃難於濮而蠻季紂是立遠氏將起之禍

又不克

濮蠻邑遠氏楚大夫克能也熊霜之世叔熊逃奔濮而從蠻俗熊霜死國人立季紂遠氏

將起叔熊立之又有禍難而不能立也

是天啓之心也

啓開也天開季紂故叔熊不得

立有心

又甚聰明和協蓋其先王

言季紂又聰明能和協其民臣之心

功德蓋其先王也

臣聞之天之所啓十世不替

替廢也

夫其子

孫必光啓土不可偪也

光大也

且重黎之後也

重黎官名楚語

曰顓頊乃命南正重司天北正黎司地言楚之先為此二官

夫黎為高辛氏火正

高辛帝嚳也黎顓頊之後吳回也顓頊生老童老童生重黎及吳回吳回生陸終陸終產六子其季曰季連為芊姓楚之祖也季連之後為鬻熊季周文王其曾孫熊繹當成王時封于荊蠻為楚子黎當高辛氏為火正傳曰吳回

以淳耀惇大天明地德光昭四海

故命之曰祝融其功大矣

淳大也耀明也惇厚也言黎為火正能治其職以大

明厚大天明地德故命之為祝融祝始也融明也大明天明若應象三辰也厚大地德若敬授民時也光昭四海使上夫成天地之大功者其子孫未常不章

章顯也 虞夏商周是也 是成天地之功者 虞幕能聽協風以成

物樂生者也 虞幕舜後虞思也協和也言能聽知和風因時順氣以成育萬物使之樂生者

也周語曰替告有協風至王乃耕藉之類是也 夏禹能單平水土以品處庶

類者也 單盡也庶衆也品高下之品也禹除水災使萬物高下各得其所 商契能和

合五教以保於百姓者也 保養也五教父義母慈兄友弟恭子孝也魯語曰契

為司徒而民惟 周棄能播殖百穀蔬以衣食民人者也 棄后稷也

而民惟

播布也殖長也百穀黍稷稻粱麻麥
荏菽雕胡之屬蔬草菜之屬可食者
其後皆為王公

侯伯

禹身王稷契在子孫公侯伯
謂其後杞宋及慕後陳侯也

祝融亦能昭顯天

地之光明以生柔嘉材者也

柔潤也嘉善也善
材五穀材木也

其後

八姓於周未有侯伯

八姓祝融之後八姓已董彭禿
妘曹斟牟也侯伯諸侯之伯

佐制物於前代者

佐助也物事也
前代夏殷也

昆吾為夏伯矣

昆吾

祝融之孫陸終第二子名樊為己姓封于昆吾昆吾
衛是也其後夏哀昆吾為夏伯遷于舊許傳曰楚之

皇祖伯父見
吾舊許是宅

大彭豕韋為商伯矣

大彭陸終第三子
曰錢為彭姓封于

大彭謂之彭祖彭城是也豕韋彭姓之
別封于豕韋者殷衰二國相繼為商伯

當周未有

未

侯伯已姓昆吾蘇顧溫董

五國皆昆吾之後
別封者莒其後

董姓駸夷

蔡龍則夏滅之矣

董姓已姓之別受氏為國者有颺
叔安之裔子曰董父以擾龍服事

帝舜賜姓曰董氏曰蔡龍封之駸川當夏之興別封

駸夷于孔甲前而滅矣傳曰孔甲不能食龍而未獲

於蔡龍氏劉累學擾龍

於蔡龍氏以事孔甲彭姓彭祖丞韋諸稽則商滅之

矣彭祖大彭也丞韋諸稽其後別封也大彭禿姓舟

人則周滅之矣

禿姓彭祖之
別舟人國名

禿姓鄆路偃陽

陸終弟四

子曰求言為妘姓封于鄆鄆今

曹姓鄆莒

陸終弟五
子曰安為

曹姓封

皆為采衛

皆妘曹也采采服去王城二千
五百里衛衛服去王城三千里

或

於鄆

在王室或在夷翟莫之數也

或六姓之後在王室蘇子溫子也在夷翟莒偏

陽也而又無令聞必不興矣斟姓無後

斟姓曹姓之別也或云夏少康

滅之非也傳有斟灌斟尋澆所

滅非少康又皆夏同姓非此也鬲之興者其在芊姓

乎芊姓夔越不足命也

夔越芊姓之別國也楚熊繹六世孫曰熊摯有惡疾楚人

廢之立其弟熊延摯自棄於夔其子孫有功王命為夔子

蠻芊蠻矣蠻芊謂叔熊在濮從蠻俗

也唯荆實有昭德若周哀其必興矣

昭明也姜嬴荆芊實

與諸姬代相干也

姜齊姓嬴秦姓芊楚姓代更也干犯也言其代強更相犯間也

姜

伯夷之後也

伯夷堯秩宗炎帝之後四岳之族也

嬴伯翳之後也

伯翳舜虞

官少皞之後伯益也伯夷能禮於神以佐堯者也

秩宗之官於周為宗伯漢

為太常掌國祭祀書曰典朕三禮謂天神人鬼地祇之禮

伯翳能議百物以佐舜

者也

百物草木鳥獸也議使各得其宜

其後皆不失祀而未有興者

興謂為侯伯也

周衰其將至矣

至於伯也

公曰謝西之九州何如

謝宣王之舅申伯之國也今在南陽謝西有九州一千五百家曰州何如問可居不

對曰其民

沓貪而忍不可因也

沓贖也忍忍行不義因就也

惟謝邾之間

謂

邾南謝北號邾在焉邾後屬鄭鄭哀楚取之魯昭元年傳曰葬王於邾謂之邾教是也

其冢君

侈驕

冢大也

其民怠沓其君而未及周德

怠慢也忠信為周言民慢

黜其君而未及於忠信也

若更君而周訓之是易取也

更君更以君道導之

則易取也

且可長用也

長用久處也

公曰周其弊乎

弊敗也

對曰

殆於必弊者

殆近也

大誓曰民之所欲天必從之

大誓周書

言民惡幽王猶惡紂欲令之亡天必從之也

今王棄高明昭顯而好讒慝

暗昧

王幽王也高明昭顯謂明德之臣暗昧幽瞑不見光明之道也

惡角犀豐盈而

近頑童窮固

角犀謂角有伏犀豐盈謂頰輔豐滿皆賢明之相也頑童童昏罔陋也謂皆

暗昧窮陋不識德義者

去和而取同

和謂可不以相濟同同欲也君子和而不同

夫

和實生物同則不繼

陰陽和而萬物生同同氣也

以它平它謂之

和謂陰陽相生故能豐長而物生之土氣和而物生

附若以同禘同盡乃棄矣禘益也同者謂若以水益

故先王以土與金木水火雜以成百物雜合也成百

煎亨是以和五味以調口剛四支以衛體剛強和六

律以聰耳聽和則正七體以役心役營也七體七竅

心聽口為心談鼻為心芳也平八索以成人平正也八索謂八體

首坤為腹震為足巽為股離建九紀以立純德

為目兌為口坎為耳艮為手建九紀以立純德

純一不尤駁也九紀九藏也正藏九又有胃旁臑腸

膽也紀所以經紀性命立純德也周禮曰九藏之動

賈唐云九紀九功也

合十數以訓百體

此所謂進取諸身遠取諸物賈唐云十數自王

以下位有十等王臣公公臣大夫大夫臣士士臣阜

阜臣與與臣隸隸臣僚僚臣僕僕臣臺百體百官各

有體屬也合此十數之

出千品具萬方

百官官有微品十於王謂

名以訓尊百官之體也

之千品五物之官陪屬

計億事材兆物收經入行姦

萬位謂之萬方方道也

極計算也材裁也賈唐說皆以萬萬為億後鄭司農云十萬曰億十億曰兆從古數也經常也姦備也

數極於姦萬萬兆曰姦自十等至千品萬方轉相

生故有億事兆物王收其常人舉九姦之數也故

王者居九畷之田收經入以食兆民

九畷九州之極數也楚語曰天

子之田九畷以食兆民

周訓而能用之蘇樂如一

忠信

王取經入焉以食萬官

為周訓教也言以忠信教
導之其民無樂如一室也
夫如是無之至也至極也於

是乎先王聘后於異姓則則不繼求財於有方使各以其方賄來方

之所無則不貢也擇臣取諫工而講以多物務和同也工官也講

校也多衆也物事也聲一無聽五聲雜然後可聽也物一無文五色雜然後成文也

味一無果五味合然後可食果美也物一不講講論校也王將棄是類

而與剗同類猶和也天奪之明欲無弊得乎夫號石父讒

諂巧從之人也而立以為卿士與剗同也石父號君之名也巧

從巧於媚從也棄聘后而立內妾好窮固也聘后申后內妾褒姒侏儒戚

施實御在側近頑童也

侏儒戚施皆優笑之人御侍也

周法不昭而

婦言是行用讒慝也不建立卿士而妖試幸措行暗

昧也

試用也措置也不建立有德以為卿士而妖嬖之臣用之於位佞幸之人置之於側也

是

物也不可以久且宣王之時有童謠

宣王幽王之父

曰檠弧

箕服實亡周國

山桑曰檠弧弓也箕木名服矢房也

於是宣王聞之有

夫婦鬻是器者

鬻賣也

王使執而戮之

戮之路

府之小妾

生女而非王子也懼而棄之

府王內之府藏也

此人也收以

奔褒

此人賣狐服者收取也

褒人有獄而以為入

褒人褒君姁也獄罪也入

進之於王天之命此久矣其又可為乎為治也訓語有之訓語

周書曰夏之衰也褒人之神化為二龍以同于王庭褒人褒君

共處曰同而言曰余褒之二君也二先君也夏后卜殺之與去

之與止之莫吉止雷也卜請其禴而藏之吉禴龍所吐沫龍之精

也氣也乃布幣焉而策告之布陳也幣玉帛也陳其玉帛以簡策之書告龍而請其禴

龍亡而禴在櫝而藏之櫝櫃也傳郊之傳祭於郊及殷周莫

之發也及厲王之末發而觀之末末年汭歲之歲也禴汭於庭

不可除也言汭於庭前謂取而發之也王使婦人不幃而譟之裳正

幅曰幃
謹呼也

化為玄龜以入于王府

龜或為蛇
蜥也象龍

府之

童妾未既亂而遭之

既盡也遭遇也
毀齒曰亂未盡
齒毀未畢也
女七歲而毀齒

既笄而孕

孕任身也
十五而笄

當宣王時而生

厲王汜彘共
和十四年死

十五年宣王立立四十六
年幽王在位十一年而滅

不夫而育

育生也

故懼而棄

之為孤服者方戮在路夫婦哀其夜號也而取之以

逸逃於褒

逸亡也

褒人褒姒有獄而以為入於王

褒姒褒君

也王遂置之

置赦褒姒

而嬖是女也使至於為后而生伯

服

以邪僻取愛曰嬖
使至有漸之言也

天之生此久矣其為毒也大矣

將俟淫德而加之焉

加遺也遺以褒女也

毒之首腊者其殺也

滋速

精熟為首腊極也滋益也

申繒西戎方強

申姜姓幽王前后太子宜咎之舅也

繒姓申之與國也西戎亦黨于申周衰故戎翟強也

王室方騷

騷擾也

將以縱

欲不亦難乎王欲殺大子以成伯服必求之申

太子將奔

申 申人弗畀必伐之

畀與也

若伐申而繒與西戎會以

伐周周不守矣

言幽王無道無與共守者

繒與西戎方將德申

申脩

德於二國二國亦欲助正徵其後福

申呂方強

呂申同姓

其隩愛太子亦必

可知也

隩隱也

王師若在

在在也

其救之亦必然矣王心

怒矣虢公從矣

言石父在亦從王而怒

凡周存亡不三稔矣

年稔

也君若欲避其難速規所矣時至而求用恐無及也

時難也
用備也

公曰若周衰諸姬其孰興對曰臣聞之武實

昭文之功

武武王文王也

文之胙盡武其嗣乎

文王子孫魯衛是也

胙盡謂衰也嗣繼也武王子孫當繼之而興

武王之子應韓不在

三君云不在時

已亡也昭謂若已亡無宜說也近宜王時命韓侯為侯伯其後為晉所滅以為邑以賜桓叔之子萬是為韓萬則其亡非平王時也應則在焉上史伯云南有應鄆是也不在言不在應韓當在晉也

其在

晉乎距險而鄰於小

距險距守之地險也小小國謂虞虢霍楊韓魏萬之屬

若

加之以德可以大啓

國既險固若增之以德可以大開土宇後魯閔元年晉滅魏霍

倍五年滅

公曰姜嬴其孰興對曰夫國大而有德者

虞虢也

近興秦仲齊侯姜嬴之僞也且大其將興乎

秦仲嬴姓附庸

秦公伯之子為宣王大夫詩序云秦仲始大齊侯齊

莊公姜姓之有德者此二人為姜嬴之僞且國大故

也近興公說乃東寄擊與賄虢郕受之十邑皆有寄地

十邑謂虢郕鄆蔽補丹依聚應華也後桓公之子武

公竟取十邑之地而居之今河南新鄭是也賈侍中

云寄地猶幽王八年而桓公為司徒九年而王

寄止也

室始駘

駘謂適庶交爭亂虐滋甚也

十一年而斃

幽王伐申申繒台西戎以伐周

殺幽王於麗山
戲下桓公死之
及平王末而秦晉齊楚代興
代更也
平王即

位五十
秦景襄於是乎取周土
景當為莊莊公秦仲
之子襄公之父取周

土謂莊公有功於周周賜之土也及平王東遷襄公
佐之故得西周豐鎬之地始命為諸侯三君昏云秦

景公宣王季年伐西戎破之遂有其地昭謂幽王為
西戎所殺故史伯云申繒西戎方強至平王時秦襄

公猶征伐之故詩序云襄公備其兵甲以討西戎西
戎方強而征伐不休是也又景公乃襄公十世之孫

而云宣王時破之
遂有其地誤矣
晉文侯於是乎定天子
文侯仇也
定謂迎平

王定于齊莊僖於是乎小伯
莊齊太公後十二世莊
公購也僖莊公之子祿

父也小伯小
楚蚡冒於是乎始啓濮
蚡冒楚季紉之
孫若敖之子熊

主諸侯盟會
楚蚡冒於是乎始啓濮
孫若敖之子熊

率濮南蠻之國
叔熊避難處也

國語卷十六

欽定四庫全書薈要卷八千四百五十五

史部

國語卷十七

吳 韋昭 注

楚語上

莊王使士亶傅太子蒧

莊王楚成王之孫穆王之
子旅也士亶楚大夫蒧恭王名

辭曰臣不材無能益焉王曰賴子之善善之也

賴恃也

對曰夫善在大子大子欲善善人將至若不欲善善

則不用故堯有丹朱

朱堯子
封於丹

舜有商均

均舜子
封於商

啓有

五觀啓禹子也五觀啓子大康昆弟也觀洛汭之地書序曰大康失國昆弟五人須于洛汭傳曰夏

有觀大甲湯孫大丁之子不遵湯法伊尹不能正放之于桐文王有

管蔡管蔡文王子周公兄也是五王者皆元德也而有姦子夫

豈不欲其善不能故也若民煩可教訓煩亂蠻夷戎

翟其不賓也久矣賓服也中國所不能用也王卒使傅

之間於申叔時叔時楚賢大夫申公也叔時曰教之春秋而為

之聳善而抑惡焉以戒勸其心以天時紀人事謂之春秋聳獎也抑貶也

教之世而為之昭明德而廢幽昏焉世先王之世繫也昭顯也幽闇也

也昏亂也為之陳有明德者世顯而闇亂者世廢也

以休懼其動

休嘉也動行也使之嘉顯

而懼也教之詩而為之道廣顯德以耀明其志

道開也顯德謂

若成湯文武周召僖公之屬詩所美者

教之禮使知上下之則

則法也

教

之樂以疏其穢而鎮其浮

疏滌也樂者所以移風易俗盪滌人之邪穢也鎮重

也浮也教之令使訪物官

令先王之官法時令也訪議也物事也使議知百官之事

業教之語使明其德而知先王之務用明德於民也

語治國之善語教之故志使知廢興者而戒懼焉

故志謂所記前世成

敗之書教之訓典使知族類行比義焉

訓典五帝之書也族類謂若惇

叙九族比義

義之與比也

若是不從

不見動而不悛也

則文

詠物以行之

文詞也詠風也謂以文詞風託事物以動行之

求賢良以翼

之翼輔也

悛而不攝則身勤之

攝固也勤勤身以勗勉也

多訓典刑

以納之刑法也

務慎惇篤以固之攝而不徹

徹通也

則明

施舍以道之忠

施已所欲原心舍過謂之忠恕

明久長以道之信

信有

然後可長久

明度量以道之義

義宜也言度量所宜也

明等級以道

之禮

等級貴賤之品

明恭儉以道之孝

恭儉所

明敬戒以道

之事

敬戒於事則無敗功

明慈愛以道之仁明昭利以道之文

昭明也明利
言利人及物

明除害以道之武

除害去
暴亂也

明精意以道

之罰

明盡精意
斷之以情

明正德以道之賞

正德謂不
私所愛也

明齊肅

以耀之臨

齊一也肅敬也
明也臨臨事也

若是而不濟不可為也

濟成也為
為師傅也

且夫誦詩以輔相之威儀以先後之體兒

以左右之明行以宣翼之

宣編也

制節義以動行之恭

敬以臨監之勤勉以勸之孝順以納之忠信以發之

德音以揚之教備而不從者非人也其可興乎

興猶成也

夫子踐位則退

夫子大子
退謙退也

自退則敬

自退則
見敬也

不則報

報懼也不自
退則恒憂懼

恭王有疾

恭王太子歲也疾在魯襄十三年

召大夫曰不穀不德失

先君之業

業伯業也

覆楚國之師不穀之臯也

覆敗也謂郟陵之戰

為晉所敗

若得保其首領以沒

保首領免刑誅也

唯是春秋所以

從先君者請為靈若厲

亂而不損曰靈殺戮不辜曰厲言春秋禘祫當以主論序

昭穆從先君於廟堂也

大夫許諾王卒及葬子囊議論

子囊恭王弟令

尹公子負

大夫曰君王有命矣子囊曰不可夫事君者先

其善不從其過

先其善先舉君之善事以為稱不從其過行也

赫赫楚國而

君臨之

赫赫顯盛也

撫征南海訓及諸夏其寵大矣

撫安也征

正也南海羣蠻也訓教也寵榮也

有是寵也而知其

教及諸夏謂主盟會頒號令也

過可不謂恭乎

論法既過能改曰恭

若先君善

先其善事

則請為恭

大夫從之

屈到嗜芟

屈到楚卿屈蕩子子夕也芟蒞也

有疾召其宗老而屬之

家臣曰老宗老為宗人者

曰祭我必以芟及祥

祥祭也

宗老將薦芟

屈建命去之

建屈到之子子木也

宗老曰夫子屬之

夫子屈到也

子

木曰不然夫子承楚國之政

承奉也

其法刑在民心而

藏在王府上之可以比先王下之可以訓後世雖微

楚國諸侯莫不饗

微無也雖使無楚國之稱諸侯猶皆饗之以為善也

其祭典

有之曰國君有牛享

諸侯以太牢也

大夫有羊饋

羊饋少牢也

士

有豚犬之奠

士以特牲

庶人有魚炙之薦

庶人祀以魚

籩豆脯

醢則上下共之

共之以多少為差也

不羞珍異不陳庶侈

羞進也庶

衆也侈猶多也

夫子不以其私欲干國之典遂不用

干犯也

湫舉娶於申公子牟

湫舉楚大夫伍參之子伍奢之父伍舉也子牟申公王子牟也

子牟有臯而亡

亡奔也

康王以為湫舉遣之

康王恭王之子康王

昭也 湫舉奔鄭將遂奔晉 鄭小而近 蔡聲子將如晉 蔡聲

子蔡公孫歸生子家也唐云楚滅蔡蔡聲子為楚大夫昭謂蔡時尚存聲子通使於晉楚耳在魯襄二十

六 年 遇之於鄭郊饗之以璧侑 饗食也璧侑 曰子尚良

食 尚猶強也 二先子其皆相子 相助也二先子謂湫

父子朝也傳曰楚伍參與蔡大師 尚能事晉君以為

諸侯主 主盟也 辭曰非所願也若得歸骨於楚死且不

朽 自謂不朽 聲子曰子尚良食吾歸子 使子得歸 湫舉降三拜

拜善 言也 納其乘馬聲子受之 四馬曰乘受而 還見令尹

子木

子木屈建也傳曰聲子通使於晉還如楚

子木與之語曰子雖兄弟

於晉然蔡吾甥也

蔡晉同姓謂吾舅者吾謂之甥

二國孰賢對曰晉

卿不若楚

順說之辭言時趙武為晉正卿不及子木之忠然而有德

其大夫則賢

賢於楚大夫也

其大夫皆卿才也若杞梓皮革焉楚實遺之

杞梓良材也皮革犀兕也

雖楚有材不能用也子木曰彼有公族

甥舅若之何其遺之材也對曰昔令尹子元之難

子元

楚武王子文王弟王子善也欲盡文夫人遂處

或譖

王宮闖班殺之在魯莊二十八年及三十年

王孫啓於成王

啓子元子也成王文王子也或譖啓與父同鼻

王弗是

是理也

王孫啓奔晉晉人用之及城濮之役晉將遁矣

晉楚戰於

城濮在魯僖二十八年遁逃退也

王孫啓與於軍事謂先軫

先軫晉中軍帥

曰是師也唯子玉欲之

子玉楚令尹得臣也

與王心違

王不欲戰子玉

固請王怒少與之師

故唯東宮與西廣實來

東宮西廣楚軍營名

諸侯之

從者畔者半矣

畔舍子玉也

若敖氏離矣

若敖氏子玉同族離謂不欲戰

也楚師必敗何故去之先軫從之大敗楚師則王孫

啓之為也昔莊王方弱

方弱未二十

申公子儀父為師

儀父

申公鬬班之子大司馬鬬克也

王子變為傅

變楚公子

使師崇子孔帥師

以伐舒

師崇楚太師潘崇也子孔楚令尹成嘉也舒羣舒也

變及儀父施二帥

而分其室

施鼻於二帥二帥潘崇子孔也室家資也

師還至則以王如廬

師子孔潘崇之師也

二子懼故以王如廬廬楚邑也

傳曰初闞克囚于秦秦有殺之敗而使歸求成成而

不得志公子變求令尹不得故作

亂城郢而使賊殺子孔弗克而還

廬戢黎殺二子而

復王

戢黎廬大夫也二子變及儀父也

或譖析公臣於王

析公臣楚大夫也或

譖之言與知二子之亂

王弗是析公奔晉晉人用之實讒敗楚

使不規東夏則析公之為也

規猶有也東夏蔡沈也傳曰繞角之役晉將遁

矣析公曰楚師輕窳易震蕩也若多鼓鈞聲以夜軍之楚師必遁晉人從之楚師宵潰晉遂侵蔡襲沈獲

其君鄭於是不敢南面楚夫
諸華統角之役在魯成六年
昔雖子之父兄譖雖子

於恭王

雖子楚大夫父兄同宗之父兄也

王弗是雖子奔晉晉人用

之及鄆之役晉將遁矣

鄆鄆陵也在魯成十六年

雍子與於軍事

謂欒書曰楚師可料也

欒書晉正卿料數也

在中軍王族而已

唐云族親族同姓也昭謂族部屬也傳曰欒范以其族夾公行時二子將中軍中軍非二子之親也若

易中下楚必敵之

中下中軍之下也敵猶貪也簡易欒范之行示之弱以誘楚也傳曰

欒范易行以誘之鄭司農以為易行中軍與上下軍易卒伍也中軍之卒良故易之

若合而函

吾中

合合戰也函入也中中軍也

吾上下必敗其左右

晉上下軍必敗楚之

左右則三萃以攻其王族必大敗之

萃集也時晉有四軍言三集者

中軍先入而上下及新軍乃三集以攻之

欒書從之大敗楚師王親面傷

則雝子之為也

王楚恭王也面傷謂呂錡射其目

昔陳公子夏為御

叔取於鄭穆公

公子夏陳宣公之子御叔之父也為御叔取鄭穆公少妃姚子之女夏姬

也生子南子南之母亂陳而亡之

子南夏徵舒之字也御叔奮死陳靈

公與孔寧儀行父淫夏姬徵舒殺靈公楚莊王以諸侯討之而滅陳

使子南戮於諸侯

言為諸侯所戮

莊王既以夏氏之室賜申公巫臣則

又畀之子反卒於襄老

畀予也巫臣楚申公屈巫子靈也子反司馬公子側也襄老

楚連尹也初莊王欲納夏姬巫臣諫王曰不可君名

諸侯以討臯也今納夏姬貪其色也貪色為淫淫為

大罰王乃止將以賜巫臣則又與子反襄老獲於邲

子反欲取之巫臣又難之卒以與襄老

二子爭之未有成晉楚戰於邲在魯宣十二年晉知

子反巫臣也爭莊子射襄老獲之以其尸歸二子

爭夏姬成定也恭王使巫臣聘於齊以夏姬行巫臣

姬使歸託以求襄老之尸恭王遣馬巫臣聘遂奔晉

諸鄭鄭伯許之及使適齊至鄭遂以夏姬行

晉人用之實通吳晉使其子狐庸為行人於吳子反

臣之族巫臣在晉請使於吳吳子壽夢殺巫

說之乃通吳于晉使其子為吳行人而教之射御

道之伐楚至于今為患則申公巫臣之為也今湫舉

取於王子牟子牟得臯而亡執政弗是

執政也

謂湫舉

曰女寶遺之彼懼而奔鄭緬然引領而望

緬猶逸也
領頸也

曰庶幾赦吾臯又弗圖也乃遂奔晉晉人又用之矣

彼若謀楚其亦必有豐敗也哉

豐大也

子木愀然

愀然見愁

曰夫子何如召之其來乎對曰亡人得復又何不來

為子木曰不來則若之何對曰夫子不居矣

不居言當奉命

於它國

春秋相事以還軫於諸侯

軫車後橫木也言四時相聘問之事四車

於諸侯也

若資東陽之盜使殺之其可乎

資賂也東陽楚北邑

不然

不來矣子木曰不可我為楚卿而賂盜以賊一夫於

晉非義也子為我召之吾倍其室

倍其室益其家也

乃使湫

鳴召其父而復之

靈王為章華之臺

靈王楚恭王之庶子靈王熊虔也章華地名吳語曰乃築臺於章華

之與伍舉升焉曰臺美夫

伍舉湫舉也湫邑也

對曰臣聞國君

服寵以為美

服寵謂以賢受寵服是為美也

安民以為樂

以能安民為樂聽

德以為聰

聽用有德也

致遠以為明

能致遠人也

不聞其以土

木之崇高彤鏤為美

彤謂丹楹鏤謂刻

而以金石匏竹之昌

大囂庶為樂

金鐘也石磬也匏笙也竹簫也昌盛也囂蕞也庶衆也

不聞其以

觀大視侈淫色以為明而以察清濁為聰也

察審也清濁宮

也羽先君莊王為匏居之臺

匏居臺名

高不過望國氛

氛氣也

大不過容宴豆

言宴有折俎遷豆之陳

木不妨守備

不妨城郭守備之材

用不煩官府

財用不出府藏

民不廢時務官不易朝常問誰

宴焉則宋公鄭伯

言二國朝事楚

問誰相禮則華元駟駢

相相

導也華元宋卿華御事之子右師元也駢鄭穆公之子子駟也

問誰贊事則陳侯蔡

侯許男頓子

贊佐也

其大夫侍之

各侍其君

先君是以除亂

克敵而無惡於諸侯今君為此臺也國民罷焉財用

盡焉年穀敗焉

敗廢民之時務

百官煩焉

為之徵發

舉國留之

留治

也數年乃成願得諸侯與始升焉諸侯皆距無有至

者而後使太宰啟疆請於魯侯

啟疆楚卿遠子也魯侯昭公也事在昭七

年懼之以蜀之役

蜀魯地魯宣公使求好於楚楚莊王卒宣公薨不克作好至成公即位受盟於晉楚子怒使公子嬰齊帥師侵魯至

蜀魯人懼使孟孫賂楚以請盟在魯成二年

而僅

得以來

僅猶劣也

使富都那豎贊焉

富富於容兒都闕也那美也豎未冠者也

言取美好不尚德也

而使長鬣之士相焉

長鬣美須顛也

臣不知其美

也夫美也者上下外內小大遠邇皆無害焉故曰美

若於目觀則美

於目則美德則不也

縮於財用則匱

縮取也

是聚

民利以自封而瘠民也胡美之為

封厚也胡何也何以為美

夫君

國者將民之與處民實瘠矣君安得肥

安得獨肥言將有患

且

夫私欲弘侈則德義鮮少德義不行則邇者騷離而

遠者距違

騷愁也離畔也通境內遠鄰國也

天子之貴也唯其以公

侯為官正

正長也

而以伯子男為師旅

帥師旅也

其有美名

也唯其施令德於遠近而小大安之也若歛民利以

成其私欲使民蒿焉忘其安樂而有遠心

蒿耗也遠心畔離也

其為惡也甚矣安用目觀故先王之為臺榭也

積土曰臺

無室曰榭榭不過講軍實

講習也軍實戎士也

臺不過望氛祥

凶氣為氛

吉氣為祥故榭度於大卒之居

大卒王士卒也度謂足以臨見之

臺度於

臨觀之高

足以臨下觀上使屋榭不蔽目明而已

其所不奪穡地

稼穡之地

其為不匱財用

為作也

其事不煩官業

業事也

其日不廢

時務

以農隙也

瘠磽之地於是乎為之

不害穀土也磽确也

城守之

末於是乎用之

城守之餘然後用之

官寮之暇於是乎臨之

暇

也
四時之隙於是乎成之

隙空閒時也

故周詩曰經始靈

臺

經謂經度之立其基址也天子曰靈臺

經之營之庶民攻之不日成

之

攻治也不日不程課以時日也

經始勿亟庶民子來

亟疾也子來如子為父也

王在靈囿鹿鹿攸伏

囿域也鹿北鹿攸所也視北鹿所伏息愛特任之類也夫

為臺榭將以教民利也

臺所以望氛祥而備災害榭所以講軍實而禦寇亂皆所

以利也不知其以置之也

也知聞

若君謂此臺美而為之

正以為得事之正楚其殆矣

也殆危

靈王城陳蔡不羹

三國楚別都也魯昭八年楚滅陳使穿封戌為陳公十一年滅蔡使

公子棄疾為蔡公今潁川定陵西北有不羹亭襄城西北有不羹城使僕夫子皙問於

范無宇

子皙楚大夫僕皙父也范無宇楚大夫芋尹申無宇也

曰吾不服諸夏

而獨事晉何也

不服心不服也

唯晉近我遠也今吾城三國

賦皆千乘亦當晉矣

禮地方十里為成出長轂一乘馬四匹牛十二頭步卒七十二

人甲士三人三國各千乘其地三千成也

又加以楚諸侯其來乎對曰

其在志也國為大城未有利者

志記也言在書籍所記國作大城未有利

者昔鄭有京櫟

京莊公弟叔段之邑櫟鄭子元之邑魯桓十五年鄭厲公因櫟人殺檀伯

而遂居櫟檀伯子元也

衛有蒲戚

蒲寘殖之邑戚孫林父之邑

宋有蕭蒙

蕭蒙

宋公子

魯有弁費

弁費季氏之邑

齊有渠丘

渠丘齊大夫

晉

有曲沃

曲沃樂盈之邑

秦有徵衙

徵衙秦桓公之子景叔段公之弟公子鍼之邑

叔段

以京患莊公鄭幾不封

叔段圖篡莊公不克出奔在魯隱元年封國也

櫟人

實使鄭子不得其位

魯莊公十四年厲公自櫟使復大夫傅瑕與之盟而赦之使

殺鄭子而納厲公鄭子莊公子子儀也

衛蒲戚實出獻公

甯殖孫林父逐衛獻公獻

公奔齊在魯襄十四年

宋蕭蒙實殺昭公

昭公兄鮑殺昭公而立

魯弁費實弱襄公

襄公十年季武子卑公室作三軍而自征之二十九年又取弁以自

予齊渠丘實殺無知

魯莊公八年無知殺襄公而立九年雖廩殺之

晉曲沃

實納齊師

樂盈奔齊齊莊公納之盈以曲沃之甲晝入為賊於絳在魯襄二十三年秦徵

衛實難桓景

公子鍼有寵於桓如二君於景難謂侵逼也魯昭元年鍼奔晉其車千乘皆

志於諸侯此其不利者也

皆見記錄於諸侯

且夫制城邑若

體性焉有首領股肱至於手拇毛脉

拇大指也毛須髮也

大能

掉小故變而不勤

掉作也變動也勤勞也

地有高下天有晦明

民有君臣國有都鄙古之制也先王懼其不帥

帥循也

故制之以義旌之以服行之以禮

謂名位不同禮亦異數

辨之

以名

名號也

書之以文

書其名位及其所掌主

道之以言既其失

也易物之由

易物易其尊卑服物之宜也

夫邊境者國之尾也譬

之如牛馬處暑之既至

處暑在七月節處止也

蚩蠶之既多而

不能掉其尾臣亦懼之

大曰蚩小曰蠶不能掉尾益重也以言三國亦將畔也

不然是三城也豈不使諸侯之心惕惕焉

惕惕懼也

子皙

復命王曰是知天咫安知民則

咫言少也言少知天道耳何知治民之法

是言誕也

誕虛也

右尹子革侍

子革楚大夫字故鄭大夫子然之子然丹也

曰民天之生也知天必知民矣是其言可以懼哉三

年陳蔡及不羹人納棄疾而殺靈王

城後三年在魯昭十三年棄疾

恭王子靈王弟平王也靈王為無道棄疾入國為亂
三軍畔之於乾谿王自殺言殺者王之死由三國也

左史倚相廷見申公子亶

倚相楚左史也子亶楚申公史老也廷見于廷見之

子亶不出左史謗之舉伯以告

舉伯楚大夫也

子亶怒而出

曰女無亦謂我老耄而舍我而又謗我

九十曰耄舍棄也

左

史曰唯子老耄故欲見以交徹子

交夾也

若子方壯能

經營百事倚相將奔走承序

承受事業次序也

於是不給而

何暇得見

給供也

昔衛武公年數九十有五矣

武公衛僖公之

子共伯之弟武公和也

猶箴徹於國

箴刺也徹戒也

曰自卿以下至于

師長士

師長大夫士衆士也

苟在朝者無謂我老耄而舍我

謂舍

不諫戒也

必恭恪於朝朝夕以交戒我聞一二之言必誦

志而納之以訓道我

言謗譽之言也志記也

在輿有旅賁之規

規規諫也旅賁勇力之士掌執

位宁有官師之典

中庭

戈楯夾車而趨車止則持輪

倚几有誦訓之諫

誦訓工師所誦

謂之宁師長也典常也

居寢有誓御之箴

誓近也

臨事有誓史之道

於几也

宴居有師工之誦

師樂師工誓矇

事戎祀也替樂太師掌詔

吉凶史太史也掌詔禮事

御進

於是乎

也誦謂也

史不失書矇不失誦以訓御之

也

於是乎

作懿戒以自儆也

三君云懿戒書也昭謂懿詩大雅抑之篇也懿讀曰抑毛詩叙曰抑

衛武公刺厲王亦以自儆也

及其沒也謂之叡聖武公

叡明也書曰叡作聖

諡法威強

子實不叡聖於倚相何害也

害傷也

周書曰文

王至於日中昃不皇暇食

日昃曰昃易曰日中則昃

惠于小民唯

政之恭文王猶不敢惰今子老楚國而欲自安也

老老

恃楚國也以禦數者王將何為

禦止也數者謂歲戒詐諂也為人臣尚如此王將復

何若常如此楚其難哉

難以治

子疊懼曰老之過也

子老

疊名也乃驟見左史

靈王虐白公子張驟諫

子張楚大夫白公也

王患之謂史老曰

吾欲已子張之諫若何

史老子疊已止也

對曰用之實難已

之易矣若諫君則曰余左執鬼中右執殤宮

中身也禮曰其

中退然天死曰殤殤宮殤之居也執謂把其錄籍制服其身知其居處若今世云能使殤也

凡百

箴諫吾盡聞之矣寧聞它言

不欲聞諫也

白公又諫王如

史老之言對曰昔殷武丁能聳其德至于神明

武丁高宗

也聳敬也至通也通于神明謂夢見傳說

以入于河

遷于河內

自河徂亳

從河內往

都亳也於是乎三年默以思道

默諒闇也思道思君人之道也書曰高宗諒闇

三年不言
言乃雖

卿士患之

患其不言

曰王言以出令也若不言

是無所稟令也

稟受也

武丁於是作書

以書解卿士也賈唐云書說命

也昭曰非也其時未得傳說

曰以余正四方余恐德之不類茲故

不言

類善也茲此也

如是而又使以象夢求四方之賢聖

思賢

而夢見之識其容狀

得傳說以來升以為公

公公上公也書序

曰高宗夢得說使百工營求諸野得之傳說命

而使朝夕規諫曰若金用

女作礪

使磨礪已也

若津水用女作舟

喻遭津水

若大旱用女

作霖雨

大旱自此苗稼也雨三日以上為霖

啓乃心沃朕心

啓開也以賢者之心

比霖雨也

若藥不瞑眩厥疾不瘳

以藥喻忠言也瞑眩頓昏攻已急也瘳愈也

若蹠不視地厥足用傷

以失道比徒蹠而不視地必傷也

若武丁之

神明也

通於神明

其聖之叡廣也其知之不疚也猶自謂

未久

人也治也

故三年默以思道既得道猶不敢專制使

以象旁求聖人既得以為輔又恐其荒失遺忘故使

朝夕規誨箴諫曰必交脩余無余棄也今君或者未

及武丁而惡規諫者不亦難乎

難以保固齊桓晉文皆非

嗣也

非嫡嗣也

還軫諸侯不敢淫逸

還軫謂出奔也

心類德音以

得有國

也類善

近臣諫遠臣謗與人誦以自誥也

也與衆誦

誦善敗也誥告也

是以其入也四封不備一同

備滿也地方百里曰同方

欲美之故尤小焉

而至於有畿田

方千里曰畿

以屬諸侯

屬會也

至

于今為令君桓文皆然君不度憂於二令君而欲自

逸也無乃不可乎周詩有之曰弗躬弗親庶民弗信

言為政不躬親之則衆民不信也

臣懼民之不信君也故不敢不言

不然何急其以言取臯也王病之曰子復語

病不能然故復

使語不穀雖不能用吾愁寘之於耳

愁猶願也寘置也

對曰賴

君之用也故言也賴恃不然巴浦之犀犛兕象其可盡

乎其又以規為瑱也犛犛牛也規諫也瑱所以塞耳也言四獸之牙角可以為瑱難

盡也而又以規諫為之乎今象出微外其三獸則荆交有焉巴浦地名或曰巴巴郡浦合浦遂趨

而退歸杜門不出七月乃有乾谿之亂靈王死之谿乾

楚東地名

司馬子期欲以其妾為內子子期楚平王之子子西之弟公子結也為大司

馬卿之嫡妻曰內子訪之左史倚相曰吾有妾而愿欲笄之其

可乎愿慙也笄內子首服衡笄也對曰昔先大夫子囊違王之命

諡違厲
為恭

子夕嗜芟子木有羊饋而無芟薦

子木違父命以

羊饋易
芟薦

君子曰違而道

違命合道

穀陽豎愛子反之勞也

而獻飲焉以弊於鄢

穀陽豎子反之內豎也弊踣也魯成十六年晉楚戰於鄢陵楚

師敗平王傷目明日將復戰王召子反穀陽豎獻飲於子反子反醉不能見王曰天敗楚也乃宵遁子反

自芊尹申亥從靈王之欲以隕於乾谿

芊尹申亥申無字之子也

乾谿之役申亥曰吾父再奸王命王不誅惠孰大焉乃求王遇諸棘闈以王歸王繼申亥以其二女殉而

葬之君子曰從而逆

從從欲也

君子之行欲其道也

欲得其道故

進退周旋唯道之從夫子木能違若教之欲

若教以

之道而去芟薦吾子經楚國

經經緯也

而欲薦芟以干之

干犯也以妾為妻猶以芟當祭也

其可乎子期乃止

國語卷十七